


内閣文庫	
番號	漢 5589
冊數	30(1)
函號	279 65

279-65



前漢書

後漢書序

淺草文庫

景祐元年九月祕書丞余靖上言國子監所印兩漢書文字舛譌恐誤後學臣謹參括衆本旁據他書列而辯之望行刊正詔送翰林學士張觀等詳定聞奏又命國子監直講王洙與靖偕赴崇文院讎對謹按後漢明帝詔班固陳宗尹敏孟冀作世祖本紀及建武時功臣列傳後有劉珍李充雜作建武已後至永初間紀傳又命伏無忌黃景作諸王王子恩澤侯并單于西羌地理志又邊韶崔寔朱穆曹壽作皇后外戚傳百官表及順帝功臣傳成一百一十四篇號曰漢紀嘉平中馬日磾蔡

邕楊劇盧植續為東觀漢紀吳武陵太守謝承作漢書
 一百三十卷晉散騎常侍薛坐作後漢記一百卷秦始
 中祕書丞司馬彪始取眾說首光武至孝獻作續漢書
 又散騎常侍華嶠刪定東觀記為漢後書九十七篇祠
 部郎謝沈作後漢書一百二十二卷祕書監袁山松作
 一百卷至宋宣城太守范曄益集諸家作十紀十志八
 十列傳凡百篇十志未成曄被誅至梁世有剡令劉昭
 者補成之唐章懷太子賢招集當時學者右庶子張太
 安洗馬劉訥言洛州司戶叅軍韋希玄學士許叔牙成
 玄一史藏諸周寶寧等同註范曄後漢書儀鳳初上之
 四百一十一字

詔付祕書省傳之至今靖洙悉取館閣諸本參校二年
 九月校畢凡增五百一十二字損一百四十三字改正
 四百一十一字

後漢書序終

後漢書目錄

梁宣城太守范曄撰
唐章懷太子賢註

皇明國子監祭酒李廷機

承直郎國子監司業方從哲等奉

勅重校刊

帝后紀一十二

志三十

列傳八十八 共一百三十卷

帝后紀

後漢書卷一上

萬曆二十四年刊

帝紀第一上

光武上秀

後漢書卷一下

帝紀第一下

光武下

後漢書卷二

帝紀第二

明帝莊

後漢書卷三

帝紀第三

章帝炟

後漢書卷四

帝紀第四

和帝肇

殤帝隆

後漢書卷五

帝紀第五

安帝祜

後漢書卷六

帝紀第六

萬曆二十四年刊

後漢書目錄

二

順帝 保

冲帝 炳

質帝 纘

後漢書卷七

帝紀第七

桓帝 志

後漢書卷八

帝紀第八

靈帝 宏

後漢書卷九

帝紀第九

獻帝 協

後漢書卷十上

后紀第十上

光武郭皇后

光烈陰皇后

明德馬皇后

章德竇皇后

和帝陰皇后

和熹鄧皇后

後漢書卷十下

后紀第十下

安思閻皇后

順烈梁皇后

孝崇愷皇后

桓帝懿獻梁皇后

桓帝鄧皇后

桓思竇皇后

孝仁董皇后

孝靈宋皇后

靈思何皇后

獻帝伏皇后

獻穆曹皇后

志

後漢書卷十一

志第一 律曆上

律準

候氣

後漢書卷十二

志第二 律曆中

賈逵論曆

永光論曆

延光論曆

漢安論曆

熹平論曆

論月蝕

後漢書卷十三

志第三 律曆下

曆法

後漢書卷十四

志第四 禮儀上

合朔

立春

五供

上陵

冠

夕牲

耕

高禘

養老

先蠶

祓禊

後漢書卷十五

志第五

禮儀中

立夏

請雨

拜皇太子

拜王公

桃印

黃郊

立秋

驅劉

案戶

祠星

立冬

冬至

臘

大儺

土牛

遣衛士

朝會

後漢書卷十六

志第六

禮儀下

大喪

後漢書卷十七

萬曆二十四年刊

後漢書卷十七

五

志第七 祭祀上

光武即位告天

郊

封禪

後漢書卷十八

志第八 祭祀中

北郊

明堂

辟雍

靈臺

迎氣

增祀

六宗

老子

後漢書卷十九

志第九 祭祀下

宗廟

社稷

靈星

先農

迎春

後漢書卷二十

志第十 天文上

王莽三

光武十二

後漢書卷二十一

志第十一 天文中

明十一

章五

和三十三

殤一

安四十六

順二十三

質三

後漢書卷二十二

志第十二 天文下

桓三十八

靈二十

獻九

隕石

後漢書卷二十三

志第十三 五行一

貌不恭

淫雨

服妖

雞禍

青眚

屋自壞

訛言

旱

誣

狼食人

後漢書卷二十四

志第十四 五行二

災火

草妖

羽蟲孽

羊禍

後漢書卷二十五

志第十五 五行三

萬曆二十四年刊

後漢書目錄

七

大水

水變色

大寒

雹

冬雷

山鳴

魚孽

蝗

後漢書卷二十六

志第十六 五行四

地震

山崩

地陷

大風拔樹

螟

牛疫

後漢書卷二十七

志第十七 五行五

射妖

龍蛇孽

馬禍

人痾

人化

死復生

疫

投蜺

後漢書卷二十八

志第十八 五行六

日蝕

日抱

日赤無光

日黃珥

日中黑

虹貫日

月蝕非其月

後漢書卷二十九

志第十九 郡國一

河南

河內

河東

弘農

京兆

馮翊

扶風

右司隸

後漢書卷三十

志第二十 郡國二

潁川

汝南

梁國

沛國

陳國

魯國

右豫州

魏郡

鉅鹿

常山

中山

安平

河間

清河

趙國

勃海

右冀州

後漢書卷三十一

志第二十一 郡國三

陳留

東郡

東平

任城

泰山

濟北

山陽

濟陰

右兗州

東海

琅邪

彭城

廣陵

下邳

右徐州

後漢書卷三十二

志第二十二 郡國四

濟南

平原

樂安

北海

東萊

齊國

右青州

南陽

南郡

江夏

零陵

桂陽

武陵

萬曆二十四年刊

後漢書目錄

長沙

右荊州

九江

丹陽

廬江

會稽

吳郡

豫章

右揚州

後漢書卷三十三

志第二十三 郡國五

漢中

巴郡

廣漢

蜀郡

犍為

牂牁

越雋

益州

永昌

廣漢屬國

蜀郡屬國

犍為屬國

右益州

隴西

漢陽

武都

金城

安定

北地

武威

張掖

酒泉

敦煌

張掖屬國

張掖居延屬國

右涼州

上黨

太原

上郡

西河

五原

雲中

定襄

鴈門

朔方

右并州

涿郡

廣陽

代郡

上谷

漁陽

右北平

遼西

遼東

玄菟

樂浪

遼東屬國

右幽州

南海

蒼梧

鬱林

合浦

交趾

九真

日南

右交州

後漢書卷三十四

志第二十四 百官一

太傅

太尉

司徒

司空

將軍

後漢書卷三十五

志第二十五 百官二

太常

光祿勳

衛尉

太僕

廷尉

大鴻臚

後漢書卷三十六

志第二十六 百官三

宗正

大司農

少府

後漢書卷三十七

志第二十七 百官四

執金吾

太子太傅

大長秋

太子少傅

將作大匠

城門校尉

北軍中侯

司隸校尉

後漢書卷三十八

志第二十八 百官五

州郡

縣鄉

亭里

匈奴中郎將

烏桓校尉

護羌校尉

王國

宋衛國

列侯

關內侯

四夷國

百官奉

後漢書卷三十九

志第二十九 輿服七

玉輅

乘輿

金根

安車

立車

耕車

戎車

獵車

駟車

青蓋車

綠車

皂蓋車

夫人安車

大駕

法駕

小駕

輕車

大使車

小使車

載車

導從車

車馬飾

後漢書卷四十

志第三十 輿服下

冕冠

長冠

委貌冠

皮弁冠

爵弁冠

通天冠

遠遊冠

高山冠

進賢冠

法冠

武冠

建華冠

方山冠

巧士冠

却非冠

却敵冠

樊噲冠

術氏冠

鶡冠

幘

佩

刀

甲

黃赤綬

赤綬

綠綬

紫綬

青綬

黑綬

黃綬

青紺綸

后夫人服

列傳

後漢書卷四十一

列傳第一

劉玄

劉盆子

後漢書卷四十二

列傳第二

王昌

劉永

張步

李憲

彭寵

盧芳

後漢書卷四十三

列傳第三

隗囂音五高反

公孫述

後漢書卷四十四

列傳第四宗室四王三侯

齊武王續子北海靜王興

趙孝王良

城陽恭王祉

泗水王歆

安成孝侯賜

成武孝侯順

順陽懷侯嘉

後漢書卷四十五

列傳第五

李通

王常

鄧晨

來歙曾孫歷

後漢書卷四十六

列傳第六

鄧禹

子訓孫騭

寇恂曾孫榮

後漢書卷四十七

列傳第七

馮異

岑彭

賈復

後漢書卷四十八

列傳第八

吳漢

陳俊

蓋延

臧宮

後漢書卷四十九

列傳第九

耿弇

弟國 國子秉 秉弟夔 國弟子恭

後漢書卷五十

列傳第十

姚期

王霸

祭遵從弟彤

萬曆二十四年刊

後漢書目錄

七

後漢書卷五十一

列傳第十一

任光 子隗

李忠

萬脩

邳彤

劉植

耿純

後漢書卷五十二

列傳第十二

朱祐

景丹

王梁

杜茂

馬成

劉隆

傅俊

堅鐔

馬武

後漢書卷五十三

列傳第十三

竇融 弟子固 曾孫憲 玄孫章

後漢書卷五十四

列傳第十四

馬援 子廖 族孫稜 子防 兄子嚴

後漢書卷五十五

列傳第十五

卓茂

魯恭 弟丕

魏霸

劉寬

後漢書卷五十六

列傳第十六

伏湛 子隆

侯霸

宋弘

蔡茂 郭賀附

馮勤

趙憙

牟融

韋彪 族子義

後漢書卷五十七

列傳第十七

宣秉

張湛

王丹

王良

杜林

郭丹

吳良

承宮

鄭均

趙典

後漢書卷五十八上

列傳第十八上

桓譚

馮衍

後漢書卷五十八下

列傳第十八下

馮衍 子豹

後漢書卷五十九

列傳第十九

申屠剛

鮑永 子昱

鄧暉 子壽

後漢書卷六十上

列傳第二十上

蘇竟

楊厚

後漢書卷六十下

列傳第二十下

郎顛

襄楷

後漢書卷六十一

列傳第二十一

郭伋

杜詩

孔奮

張堪

廉范

王堂

蘇章 族孫不韋

羊續

賈琮

陸康

後漢書卷六十二

列傳第二十二

樊宏

子儵

族曾孫準

陰識弟興

後漢書卷六十三

列傳第二十三

朱浮

馮魴

虞延

鄭弘

周章

後漢書卷六十四

列傳第二十四

梁統

子竦

曾孫商

玄孫冀

後漢書卷六十五

列傳第二十五

張純

子奮

曹褒

鄭玄

後漢書卷六十六

列傳第二十六

鄭興

子衆

范升

陳元

賈逵

張霸

子楷

楷子陵

陵弟玄

後漢書卷六十七

列傳第二十七

桓榮 子郁 孫焉 曾孫鸞 玄孫典 彬

丁鴻

後漢書卷六十八

列傳第二十八

張宗

法雄

滕撫

馮緄

度尚

楊璇

後漢書卷六十九

列傳第二十九

劉平

趙孝

淳于恭

江革

劉般 子愷

周磐

趙咨

後漢書卷七十上

列傳第三十上

自東都主人以下分爲下卷

班彪

後漢書卷七十下

列傳第三十下

班彪 子固

後漢書卷七十一

萬曆二十四年刊

後漢書目錄

三十一

列傳第三十一

第五倫 曾孫種

宋均 族子意

鍾離意

寒朗

後漢書卷七十二

列傳第三十二 光武十王

東海恭王 彊

沛獻王 輔

楚王 英

濟南安王 康

東平憲王 蒼

子任城孝王尚

阜陵質王 延

廣陵思王 荆

臨淮懷公 衡

中山簡王 陽

琅邪孝王 京

後漢書卷七十三

列傳第三十三

朱暉 孫穆

樂恢

何敞

後漢書卷七十四

列傳第三十四

鄧彪

張禹

徐防

張敏

胡廣

萬曆一十四年刊

後漢書目錄

三

後漢書卷七十五

列傳第三十五

袁安

子敞

玄孫闕

張酺

韓稜

周榮

孫景

後漢書卷七十六

列傳第三十六

郭躬

弟子鎮

陳寵

子忠

後漢書卷七十七

列傳第三十七

班超

子勇

梁懂

後漢書卷七十八

列傳第三十八

楊終

李法

翟酺

應奉

子邵

霍諝

爰延

徐璆

後漢書卷七十九

列傳第三十九

王充

王符

仲長統

後漢書卷八十

列傳第四十 明帝八

千乘哀王 建

彭城靖王 恭

下邳惠王 衍

淮陽頃王 昞

陳敬王 羨

樂成靖王 黨

梁節王 暢

濟陰悼王 長

後漢書卷八十一

列傳第四十一

李恂

龐參

陳禪

陳龜

橋玄

後漢書卷八十二

列傳第四十二

崔駰 子瑗 孫寔

後漢書卷八十三

列傳第四十三

周燮

徐穉

申屠蟠

黃憲

姜肱

後漢書卷八十四

屬曆二十四年刊 後漢書目錄

三五

列傳第四十四

楊震

子秉

孫賜

曾孫彪

玄孫修

後漢書卷八十五

列傳第四十五

章帝八王

千乘貞王

伉

平春悼王

全

清河孝王

慶

濟北惠王

壽

河間孝王

開

城陽懷王

淑

廣宗殤王

萬歲

平原懷王

勝

和帝子

後漢書卷八十六

列傳第四十六

張皓

子綱

王龔

子暢

种暠

子岱拂拂子劭

陳球

後漢書卷八十七

列傳第四十七

杜根

樂巴

劉陶

李雲

劉瑜

謝弼

後漢書卷八十八

列傳第四十八

虞詡

傅燮

蓋勳

臧洪

後漢書卷八十九

列傳第四十九

張衡

後漢書卷九十上

列傳第五十上

馬融

蔡邕

後漢書卷九十下

列傳第五十下

蔡邕

後漢書卷九十一

列傳第五十一

左雄

周舉 子繼

黃瓊 孫璇

後漢書卷九十二

列傳第五十二

荀淑 子爽 孫悅

韓韶

鍾皓

陳寔 子紀

後漢書卷九十三

列傳第五十三

萬曆二十四年刊

後漢書目錄

三十一

李固 子燮

杜喬

後漢書卷九十四

列傳第五十四

吳祐

延篤

史弼

盧植

趙岐

後漢書卷九十五

列傳第五十五

皇甫規

張奐

段熲

後漢書卷九十六

列傳第五十六

陳蕃

王允

後漢書卷九十七

列傳第五十七 黨錮

劉淑

李膺

杜密

劉祐

魏朗

夏馥

宗慈

巴肅

范滂

尹勳

蔡衍

羊陟

張儉

岑暉

陳翎

孔昱

苑康

檀敷

劉儒

賈彪

何顥

後漢書卷九十八

列傳第五十八

郭太

符融

許劭

後漢書卷九十九

列傳第五十九

竇武

何進

後漢書卷一百

列傳第六十

鄭太

孔融

荀彧

後漢書卷一百一

列傳第六十一

皇甫嵩

朱儁

後漢書卷一百二

列傳第六十二

董卓

後漢書卷一百三

列傳第六十三

劉虞

陶謙

公孫瓚

後漢書卷一百四上

列傳第六十四上

袁紹

後漢書卷一百四下

列傳第六十四下

袁紹子譚

劉表

後漢書卷一百五

列傳第六十五

劉焉

袁術

呂布

後漢書卷一百六

列傳第六十六循吏

衛颯

任延

萬曆二十四年刊

後漢書目錄

三

王景

秦彭

王渙

許荆

孟嘗

第五訪

劉矩

劉寵

仇香

童恢

後漢書卷一百七

列傳第六十七 酷吏

董宣

樊曄

李章

周紆

黃昌

陽球

王吉

後漢書卷一百八

列傳第六十八 宦者

鄭衆

蔡倫

孫程

曹騰

單超

侯覽

曹節

呂強

張讓

後漢書卷一百九上

列傳第六十九上 儒林上

萬曆二十四年刊

後漢書目錄

卷

劉昆

汪丹

任安

楊政

張興

戴憑

孫期

歐陽歙

牟長

宋登

張馴

尹斂

周防

孔僖

楊綸

後漢書卷一百九下

列傳第六十九下

儒林下

高詡

包咸

魏應

伏恭

任末

景鸞

薛漢

杜撫

召馴

楊仁

趙暉

衛宏

董鈞

丁恭

周澤

鍾興

甄宇

樓望

程曾

張玄

李育

服虔

謝該

蔡玄

後漢書卷一百十上

列傳第七十上 文苑

杜篤

夏恭

黃香

李尤

何休

潁容

許慎

王隆

傅毅

劉毅

蘇順

劉珍

王逸

邊韶

後漢書卷一百十下

列傳第七十下 文苑

張升

劉梁

酈炎

高彪

禰衡

葛龔

崔琦

趙壹

邊讓

侯瑾

張超

後漢書卷一百十一

列傳第七十一 獨行

譙玄

李業

劉茂

溫序

彭脩

索盧放

周嘉

范式

李善

王恁

張武

陸績

戴封

李充

繆彤

陳重

雷義

范冉

一名冉

戴就

趙苞

向栩

諒輔

劉翊

王烈

後漢書卷一百十二上

列傳第七十二上 方術

任文公

郭憲

許楊

高獲

王喬

謝夷吾

楊由

李南

李邵

段翳

廖扶

折象

樊英

後漢書卷一百二十二下

列傳第七十二下

方術

唐檀

公沙穆

許曼

趙彥

樊志張

單颺

韓說

董扶

郭玉

華佗

徐登

費長房

薊子訓

劉根

左慈

計子勳

上成公

解奴辜

甘始

王真

王和平

後漢書卷一百十三

列傳第七十三 逸民

野王二老

向長

逢萌

周黨

後漢書目錄

王霸

嚴光

井丹

梁鴻

高鳳

臺佟

韓康

喬慎

戴良

法真

漢濱老父

陳留老父

龐公

後漢書卷一百十四

列傳第七十四 列女

鮑宣妻

王霸妻

姜詩妻

周郁妻

曹世叔妻

樂羊子妻

陳文矩妻

孝女曹娥

許升妻

袁隗妻

龐涓妻

劉長卿妻

皇甫規妻

陰瑜妻

盛道妻

孝女叔先雄

董祀妻

後漢書卷一百十五

列傳第七十五

東夷

後漢書卷一百十六

列傳第七十六

南蠻

西南夷

後漢書卷一百十七

列傳第七十七

西羌

後漢書卷一百十八

列傳第七十八

西域

後漢書卷一百十九

列傳第七十九

南匈奴

前書直言匈奴傳不言南北今稱南者明其順者以冠之東觀記稱匈奴南單于列傳范曄因去其單于二字

後漢書卷一百二十

列傳第八十

烏桓

鮮卑

光武起後漢乙酉歲改建武元年傳及十二帝

至獻帝建安二十五年庚申凡一百九十五年

帝后紀一十二卷

志三十卷

列傳八十八卷

後漢書目錄終

後漢書卷一上

光武帝紀第一上

宋宣城太守范曄撰
唐章懷太子賢註

皇明國子監祭酒臣李廷機

承直郎國子監司業臣方從哲等奉

勅重校刊

世祖光武皇帝諱秀字文叔禮祖有功而宗有德光武中葉興故廟稱世祖諡法

能紹前業曰光克定禍亂曰武伏侯古今注曰秀之字曰茂伯仲叔季兄弟之次長兄伯升次仲故字文叔焉

南陽蔡陽人南陽郡今鄧州縣也蔡陽縣西南高祖九世之

孫也出自景帝生長沙定王發長沙郡今潭州縣也劉放曰按文言出自景

帝生長沙定王發文意不足蓋此生字當作子字發生春陵節侯買春陵鄉名本屬零陵

萬曆二十四年刊

後漢書卷一上

帝紀

一

冷道縣在今永州唐興縣北元帝時徙南陽傳賈生

鬱林太守外鬱林郡今郴州縣前書曰郡守外生鉅鹿

都尉回鉅鹿郡今邢州縣也前書曰都尉本郡尉秦官也掌佐守典武職秩比二千石景帝更名太守

回生南頓令欽南頓縣屬汝南郡故城在今陳州項城縣西前書曰令長皆秦官也萬戶以上

而孤養於叔父良身長七尺三寸美須眉大口隆準日

角隆高也許負云鼻頭為準鄭玄尚書中候註云日角謂中庭骨起狀如日性勤於稼穡而

兄伯升好俠養士常非笑光武事田業比之高祖兄仲

仲仲郃陽侯喜也能為產業見前書王莽天鳳中王莽建國六年改為天鳳乃之長安

受尚書略通大義東觀記曰受尚書於中大夫廬江許子威資用乏與同舍生韓子合錢買

今從者儻以給諸公費莽末天下連歲災蝗寇盜鋒起言賊鋒起競起喻多也

地皇三年天鳳六年改為地皇南陽荒饑諸家賓客多為小盜

光武避吏新野新野屬南陽郡今鄧州縣續漢書曰伯升賓客劫人上避吏於新野鄧晨家

因賣穀於宛東觀記曰時南陽旱饑而上田獨收宛縣屬南陽郡故城今鄧州南陽縣也宛

人李通等以圖讖說光武云劉氏復起李氏為輔圖河

讖符命之書讖驗也言為王者受命之徵驗也易坤靈圖曰漢之臣李陽也光武初不敢當

然獨念兄伯升素結輕客必舉大事且王莽敗亡已兆

天下方亂遂與定謀於是乃市兵弩十月與李通從弟

軼等起於宛時年二十八十一月有星孛于張前書音

星光芒短蓬然張南方宿也續漢志曰張為周地星孛于張東南行即翼軫之分翼軫楚地是楚地將有兵亂

萬曆二十四年刊

後漢書卷五十一

中庭骨起狀如日

後一年正月光武起兵春陵攻南陽斬阜賜等殺其光
士眾數萬人光武都雒陽居周地除穢布新之象

武遂將賓客還春陵時伯升已會眾起兵初諸家子弟

恐懼皆亡逃自匿曰伯升殺我及見光武絳衣大冠董

與服志曰大冠者謂武官冠之東觀記曰上時絳衣大冠將軍服也皆驚曰謹厚者亦復

為之乃稍自安伯升於是招新市平林兵新市縣屬江夏郡故城在

今郢州富水縣東北平林地名在今隨州隨縣東北與其帥王鳳陳收西擊長聚

廣雅曰聚居也音慈諭反前書音義曰小於鄉曰聚光武初騎牛殺新野尉乃得

馬前書曰尉秦官秩四進屠唐子鄉例曰多所誅殺曰

山在今唐州湖陽屬南陽郡今唐州縣也又殺湖陽尉東觀記曰劉終詐稱江夏吏

之誘殺軍中分財物不均眾患恨欲反攻諸劉光武歛宗

人所得物悉以與之眾乃悅進拔棘陽縣名屬南陽郡在棘水之陽古

謝國也故城在今唐州湖陽縣西北棘音已力反與王莽前隊大夫甄阜王莽

隊郡置大夫一人職如太守南陽為前隊河內為後隊潁川為左隊弘農為右隊河東為北隊滎陽為前隊隊

音遂屬正梁丘賜王莽每隊置屬正戰於小長安續漢書

縣有小長安聚故城在今鄧州南陽縣南漢軍大敗還保棘陽

更始元年正月甲子朔漢軍復與甄阜梁丘賜戰於泚

水西大破之斬阜賜泚水在今唐州泚陽縣南廬江瀾

伯升又破王莽納言將軍嚴尤秩宗將軍陳茂於清陽

前書曰納言虞官也掌出納王命所謂喉舌之官也歷

秦漢不置王莽改大司農為之桓譚新論云莊尤字伯

石此言嚴避明帝諱也秩宗虞官也掌郊廟之事周謂

之宗伯秦漢不置王莽改太常為秩宗後又典兵故納

言秩宗皆有將軍號也消陽縣屬南郡故城在今鄧州南陽縣南消水之縣消音有進圍宛城二

月辛巳立劉聖公為天子以伯升為大司徒光武為太

常偏將軍前書曰奉常秦官景帝更名太常應劭漢官儀曰欲令國家盛大社稷常存故稱太常老子曰偏將軍處左上將軍處右東觀記三月光武別與

諸將徇昆陽定陵鄧皆下之徇略也昆陽定陵鄧皆縣名並屬潁川郡昆陽故城在今許州葉縣北鄧今豫州鄧城縣也定陵故城在今鄧城西北鄧音於建反多得牛馬財物

穀數十萬斛轉以饋死下莽聞阜賜死漢帝立大懼遣

大司徒王尋大司空王邑王莽時哀章所獻金匱圖有王尋姓名王邑王商子於莽為從父兄弟也將兵百萬其甲士四十二萬人五月到潁川復

與嚴尤陳茂合潁川郡今洛陽翟縣也初光武為春陵侯家訟逋

租於尤尤見而奇之逋違也春陵侯敞即光武季父也與觀記曰為季父故春陵侯請大司馬府訟地皇元年十二月壬寅前租二萬六千斛芻藁錢若干萬時死人朱福亦為舅訟租於尤尤止車獨與上語不視福上歸戲及是時城中出降尤者言光武

不取財物但會兵計策尤笑曰是美須眉者耶何為乃

如是初王莽徵天下能為兵法者六十三家數百人並

以為軍吏選練武衛招募猛士旌旗輜重千里不絕時

有長人巨無霸王莽連率韓博上言有奇士長一丈大西北昭如海濱輜重不能載三馬不長一丈大十圍自謂巨無霸出於蓬萊東南五城能勝臥則枕鼓以鐵箸食見前書又

為壘尉鄭玄注周禮云軍壁曰壘崔瑗中壘校尉箴曰堂堂皇帝設為壘壁尉者主壘壁之事又

驅諸猛獸虎豹犀象之屬以助威武自秦漢出師之盛

未嘗有也光武將數千兵徼之於陽關

聚名也。酈元水經注曰：潁水東

南經陽關聚潁水相對在今洛州陽翟縣西北諸將見尋邑兵盛反走馳入

昆陽皆惶怖憂念妻孥欲散歸諸城光武議曰今兵穀

既少而外寇彊大并力禦之功庶可立如欲分散勢無

俱全且宛城未拔謂伯升圍之未拔也不能相救昆陽即破一日

之間諸部亦滅矣今不同心膽共舉功名反欲守妻子

財物邪諸將怒曰劉將軍何敢如是光武笑而起會候

騎還言大兵且至城北軍陳數百里不見其後諸將遽

相謂曰更請劉將軍計之光武復為圖畫成敗諸將憂

迫皆曰諾時城中唯有八九千人光武乃使成國上公

王鳳廷尉大將軍王常留守夜自與驃騎大將軍宗佻

驃騎大將軍武帝置自霍去病始佻音太堯反五威將軍李軼等十三騎

王莽威將軍其衣服依五方之色以威天下李軼初起猶假以為號出城南門於外收兵時

莽軍到城下者且十萬光武幾不得出幾音祈既至郾定

陵悉發諸營兵而諸將貪惜財貨欲分留守之光武曰

今若破敵珍瑤萬倍瑤古寶字大功可成如為所敗首領無

餘何財物之有眾乃從嚴尤說王邑曰昆陽城小而堅

今假號者在宛亟進大兵亟急也音紀力反彼必奔走宛敗昆

陽自服邑曰吾昔以虎牙將軍圍翟義坐不生得以見

責讓翟義字文仲方進少子為東郡太守王莽居攝義心惡之乃立東平王雲子信為天子義自號柱天

大將軍以誅莽莽乃使孫建王邑等將兵擊義破今將

之義亡自殺故坐不生得坐音才臥反兒前書

百萬之衆遇城而不能下何謂邪遇或遂圍之數十重

列營百數雲車十餘丈雲車即樓車稱雲言其高也升

雲梯瞰臨城中俯視曰瞰旗幟蔽野埃塵連天鉦鼓之

聲聞數百里說文曰征或為地道衝朝撞城衝撞車也

閑閑許慎曰朝樓積弩亂發矢下如雨城中負戶而汲

王鳳等乞降不許尋邑自以為功在漏刻意氣甚逸夜

有流星墜營中晝有雲如壞山當營而隕不及地尺而

散吏士皆厭伏續漢志曰雲如壞山謂營頭之星也占

里厭音六月己卯光武遂與營部俱進自將步騎千餘

前去大軍四五里而陳尋邑亦遣兵數千合戰光武奔

之斬首數十級諸部喜曰劉將軍平生見小敵怯今見

大敵勇甚可怪也且復居前請助將軍光武復進尋邑

兵却諸部共乘之斬首數百千級連勝遂前時伯升拔

死已三日而光武尚未知乃偽使持書報城中云死下

兵到而陽墮其書尋邑得之不意意音許諸將既經累

捷膽氣益壯無不一當百光武乃與敢死者三千人從

城西水上衝其中堅凡軍事中軍將最尊居中尋邑陳

亂乘銳崩之遂殺王尋城中亦鼓譟而出中外合執震

呼動天地莽兵大潰走者相騰踐奔殪百餘里間殪音

萬曆二十四年刊 後漢書卷之十一 高邑

於計反或作噎會大雷風屋瓦皆飛雨下如注澧川盛溢水經曰澧

水出南陽魯陽縣西堯山東南經昆陽城北東入汝澧音直理反虎豹皆股戰士卒爭

赴溺死者以萬數水為不流王邑嚴尤陳茂輕騎乘死

人度水逃去盡獲其軍實輜重車甲珍寶不可勝算舉

之連月不盡或燔燒其餘光武因復徇下潁陽縣名屬潁川郡

故城在今許州會伯升為更始所害光武自父城馳詣宛謝父城

縣故應國也屬潁川郡故城在今許州葉縣東北以伯升見害心不自安故謝司徒官屬迎弔

光武光武難交私語深引過而已未嘗自伐昆陽之功

又不敢為伯升服喪飲食言笑如平常更始以是慙拜

光武為破虜大將軍封武信侯九月庚戌三輔豪傑共

誅王莽傳首詣宛

三輔謂京兆左馮翊右扶風其在長安中分領諸縣淮南子曰智過百人

謂之豪曰虎通云賢萬人曰傑時城中少年子弟張魚等攻莽於漸臺商人杜吳殺莽校尉公賓就斬莽首將

軍申屠建等傳莽首詣宛更始將北都洛陽以光武行司隸校尉使

前整修官府前書曰司隸校尉本周官武帝初置持節從中都官徒千二百人督大姦猾後罷其

兵察三輔三河弘農秩比二千石音義云以掌徒隸而巡察故曰司隸於是致僚屬作文

移東觀記曰文書移與屬縣也從事司察一如舊章續漢書曰司隸置從事史十二

人秩皆百石主督時三輔吏士東迎更始見諸將過皆

冠幘漢官儀曰幘者古之且賤不冠者之所服也而服婦人

衣諸于繡屨前書音義曰諸于大掖衣也如婦人之袿衣字書無屨字續漢書作襪並音其物反

楊雄方言曰襜褕其短者自關而西謂之襜褕郭璞注云俗名襜褕據此即是諸于上加繡襪如今之半臂也

萬曆二十四年刊

或繡下有擁字莫不笑之或有畏而走者續漢志曰時知者見之以為服之不衷身

不自勝老吏或垂涕曰不圖今日復見漢官威儀由是

識者皆屬心焉及更始至洛陽乃遣光武以破虜將軍

行大司馬事十月持節北度河續漢志曰更始時南方有童謠云諧不諧在赤

眉得不得在河北後更始為赤眉所殺鎮慰州郡所到

部縣輒見二千石長吏三老官屬下至佐史二千石謂郡守也長

吏謂縣令長及丞尉也三老者鄉官也高祖置前書曰

舉人年五十已上有修行能率眾者置以為三老每鄉

一人擇鄉三老為縣三老與令長丞尉以事相教復其

事曹漢初遣丞相史分刺州考察黜陟如州牧行部事武帝改置刺史察州秩

六百石成帝更名牧秩二千石漢官典儀曰刺輒平遣

囚徒除王莽苛政復漢官名吏人喜悅爭持牛酒迎勞

進至邯鄲縣名屬趙國今洛州縣也前書音義邯山名

名故趙繆王子林繆王景帝七代孫名元前書曰元坐殺人為大鴻臚所奏諡曰繆音謬東

觀記曰林作臨字說光武曰赤眉今在河東但決水灌之百萬

之眾可使為魚赤眉賊帥樊崇等恐其眾與王莽兵亂皆朱其眉以相別故曰赤眉續漢書曰

是時上平河北過邯鄲林進見言赤眉可破上問其故

對曰河水從列人北流如決河水灌之皆可令為魚上

不然之列人縣故城在光武不答去之真定縣名屬真定國今恒

州縣林於是乃詐以卜者王郎為成帝子子輿前書曰立國將

也軍孫建奏云不知何一男子遮臣車前自稱漢氏十二

劉子輿成帝下妻子也劉氏當復故郎因而稱之

月立郎為天子都邯鄲遂遣使者降下郡國

二年正月光武以王郎新盛乃北徇薊縣名屬涿郡今幽州縣也本字

從契從邑王郎移檄購光武十萬戶說文曰檄以木簡為書長尺二寸謂

之檄以徵召也而故廣陽王子劉接廣陽王名嘉武帝五代孫起兵薊中以

應郎城內擾亂轉相驚恐言邯鄲使者方到二千石以

下皆出迎於是光武趣駕南轅趣急也晨夜不敢入城

邑舍食道傍至饒陽縣名屬安平國在饒河之陽故城在今灤州饒陽縣東北官屬

皆乏食光武乃自稱邯鄲使者入傳舍客館也傳音傳知戀反下同

吏方進食從者饑爭奪之傳吏疑其偽乃椎鼓數十通

推直追反給言邯鄲將軍至給言欺誑也音殆官屬皆失色光武升

車欲馳既而懼不免徐還坐曰請邯鄲將軍入久乃駕

去傳中人遙語門者閉之門長曰天下詎可知而閉長

者乎遂得南出晨夜兼行蒙犯霜雪蒙冒也天時寒面皆

破裂至滹沱河山海經云大戲之山滹沱之水出焉在今代州繁峙縣東流經定州深澤縣東南即光武所度處今俗猶謂之危度口臣賢案呼沱河

舊在饒陽南至魏太祖曹操因饒河故瀆決令北注新

溝水所以今無船適遇冰合得過續漢書曰時冰滑馬

冰上未畢數車而陷進至下博城西下博縣屬信都國

下博故城在今冀州下博縣南遑惑不知所之有白衣老父在道旁老父

蓋神人也今下博縣西猶有祠堂指曰努力信都郡為長安守去此八

十里信都郡今冀州也光武即馳赴之信都太守任光開門出

迎世祖因發旁縣得四千人先擊堂陽貫縣皆降之堂陽

及貫並屬鉅鹿郡堂陽在堂水之陽今冀州縣故城在今冀州鹿城縣西南貫音時夜反王莽和戎

卒正邳彤亦舉郡降東觀記曰王莽分鉅鹿為又昌城

人劉植宋子人耿純昌城縣屬信都國故城在今冀州西北宋子縣屬鉅鹿郡故城在今

趙州平棘縣北各率宗親子弟據其縣邑以奉光武於是北降

下曲陽縣名屬鉅鹿郡常山郡眾稍合樂附者至有數

萬人復北擊中山中山國一名中人亭故城在今定州唐縣東北張曜中山記曰城中有山

故曰拔盧奴縣名屬中山國故城在今定州安喜縣水經注曰縣有黑水故池水黑曰盧不流曰

奴因以所過發奔命兵前書有義曰舊時郡國皆有材官

命奔赴故移檄邊部共擊邯鄲郡縣還復響應南擊新

市真定元氏防子皆下之新市縣屬鉅鹿郡故城在今恒州東北元氏房子屬常山

郡並今趙州縣也防與房同古字通用因入趙界時王郎大將李育屯栢

人縣名屬趙國今邢州縣故城在縣之西北漢兵不知而進前部偏將朱浮

鄧禹為育所破亡失輜重光武在後聞之收浮禹散卒

與育戰於郭門大破之盡得其所獲育還保城攻之不

下於是引兵拔廣阿縣名屬鉅鹿郡故城在今趙州象城縣西北會上谷太

守耿況漁陽太守彭寵上谷郡故城在今媯州懷戎縣漁陽郡在漁水之陽今幽州縣

各遣其將吳漢寇恂等將突騎來助擊王郎突騎言能衝突軍陣

更始亦遣尚書僕射謝躬討郎漢官儀曰尚書四員武

侍曹尚書主丞相御史事二千石尚書主刺史二千石事戶曹尚書主人庶上書事主客尚書主外國四夷事

成帝加三公尚書主斷獄事僕射秦官也僕主也古者重武事每官必有主射以督課之謝躬為尚書僕射

光武因大饗士卒遂東圍鉅鹿王郎守將王饒堅守月

餘不下郎遣將倪宏劉奉倪伍率數萬人救鉅鹿光武

逆戰於南繚縣名屬鉅鹿郡故城在今邢州栢人縣東北左傳齊國夏伐晉取欒即其地也其後南徙故加南今俗謂之倫斬首數千級四月進圍邯鄲

連戰破之五月甲辰拔其城誅王郎收文書得吏人與

郎交關謗毀者數千章光武不省會諸將軍燒之曰令

反側子自安更始遣侍御史持節立光武為蕭王蕭縣屬沛郡今

徐州縣也續漢志曰更始使侍御史黃黨封上為蕭王悉令罷兵詣行在所蔡邕曰天子以四海為家故謂所居為行在所

光武辭以河北未平不就徵自是

始貳於更始貳離是時長安政亂四方背叛梁王劉永

擅命睢陽縣名屬梁郡今宋州也擅專也公孫述稱王巴蜀蜀有巴郡故總言之

李憲自立為淮南王淮南郡今壽州也秦豐自號楚黎王習鑿齒襄陽記曰秦豐黎丘鄉人黎丘楚地故稱

張步起琅邪琅邪山故城今海州郡名今延岑起漢中郡名

田戎起夷陵縣名屬南郡有夷山故曰夷陵今硤州縣也故城在今

立置將帥侵略郡縣又別號諸賊銅馬大彤高湖

重連鐵脛大搶尤來上江青犢五校檀鄉五幡五樓富

平獲索等諸賊或以山川上地為名或以軍容彊盛為號銅馬賊帥東山荒秃上淮況等大彤渠帥

樊重尤來渠帥樊崇五校賊帥高扈擅鄉賊帥董次仲

五樓賊帥張文富平賊帥徐少獲索賊帥古師郎等並

萬曆二十四年刊

後漢書卷之三十一

行記

淮況之況替本作况防同本作况

胸替本作胸

見東觀記各領部曲續漢志曰大將軍營有五部部三人衆合

數百萬人所在寇掠光武將擊之先遣吳漢北發十郡

兵幽州牧苗曾不從漢遂斬曾而發其衆秋光武擊銅

馬於鄴縣名屬鉅鹿郡故城在今冀州鹿城縣東鄴音苦堯及前書紀年曰衛鞅封于鄴臣賢案下文

云吳漢將突騎來會清陽又追至館陶並與鄴相近俗

本誤作鄴而蕭該音一古反云屬太原郡臧於音作鄴

襄陽郡並誤一建反云屬吳漢將突騎來會清陽縣名屬清河郡今

北賊數挑戰挺身獨戰也古謂之致光武堅營自守有

出鹵掠者輒擊取之鹵與絕其糧道積月餘日賊食盡

夜遁去追至館陶大破之館陶縣屬魏郡今魏州縣受降未盡而高

湖重連從東南來與銅馬餘衆合光武復與大戰於蒲

陽悉破降之封其渠帥為列侯前書音義曰蒲陽山蒲

縣西北本或作滿陽渠大也尚書鐵厥降者猶不自安

光武知其意勅令各歸營勒兵乃自乘輕騎案行部陳

降者更相語曰蕭王推赤心置人腹中安得不投死乎

由是皆服悉將降人分配諸將衆遂數十萬故關西號

光武為銅馬帝赤眉別帥與大彤青犢十餘萬衆在射

犬續漢志曰野王縣有射犬聚光武進擊大破之衆皆

散走使吳漢岑彭襲殺謝躬於鄴青犢赤眉賊入函谷

關攻更始函谷谷名因谷以名關舊在弘農湖城縣西

乃為徙於新安故關在光武乃遣鄧禹率六裨將引兵

萬曆二十四年刊

後漢書卷之三

帝紀

三

而西以乘更始赤眉之亂時更始使大司馬朱鮪舞陰

王李軼等屯洛陽舞陰縣屬南陽郡故城在今唐州泌陽縣西北光武亦令馮

異守孟津以拒之孔安國注尚書云孟地名在洛北都道所湊古今以為津論衡曰武王伐

紂八百諸侯同於此盟故曰盟津俗名治成津今河陽縣津也

建武元年春正月平陵人方望平陵昭帝陵也因以為縣故城在今咸陽縣西

北立前孺子劉嬰為天子平帝崩王莽立楚孝王孫廣戚侯顯子嬰為孺子莽篡位

廢為定安公更始遣丞相李松擊斬之光武北擊尤來大搶

五幡於元氏追至右北平連破之北平縣屬中山國今易州未樂縣也臣賢

案東觀記續漢書並無右字此加右誤也又戰於順水

北鄴元水經注曰徐水經北平縣故城北光武追銅馬五幡破之於順水即徐水之別名也在今易州本或

作慎者乘勝輕進反為所敗賊追急短兵接短兵謂刀

誤也光武自投高岸遇突騎王豐下馬授光武光

武撫其肩而上顧笑謂耿弇曰幾為虜嗤弇頻射却賊

得免士卒死者數千人散兵歸保范陽縣名在范水之陽屬涿郡故城

在今易州軍中不見光武或云已沒東觀記曰上已乘王豐小馬先到矣

而易縣東南諸將不知所為吳漢曰卿曹努力曹輩也王兄子

在南陽何憂無主兄子謂伯升子章及興也眾恐懼數日乃定賊雖

戰勝而素懼大威懼懼也音之涉反客主不相知夜遂引去大

軍復進至安次縣名屬渤海郡今幽州縣也故城在縣東與戰破之斬首三

千餘級賊入漁陽乃遣吳漢率耿弇陳俊馬武等十二

將軍追戰于潞東

潞縣名屬漁陽郡今幽州縣也有潞水因以為名蕭該音義云潞屬上黨

臣賢按潞與漁陽相接言上黨潞者非也

及平谷大破滅之

平谷縣屬漁陽郡故城在今潞

北朱繡遣討難將軍蘇茂攻溫

今洛州縣

馮異寇恂與戰大

破之斬其將賈彊於是諸將議上尊號馬武先進曰天

下無主如有聖人承敝而起雖仲尼為相孫子為將猶

恐無能有益反水不收後悔無及

言早當即尊位以定衆心今執謙退失於

事機也孫子名武吳王闔閭將善用兵有兵法十三篇反音翻

大王雖執謙退柰宗廟

社稷何宜且還薊即尊位乃議征伐今此誰賊而馳驚

擊之乎

誰謂未有主也前書音義曰直騁曰馳亂馳曰驚

光武驚曰何將軍出

是言可斬也武曰諸將盡然光武使出曉之乃引軍還

至薊夏四月公孫述自稱天子光武從薊還過范陽命

收葬吏士至中山諸將復上奏曰漢遭王莽宗廟廢絕

豪傑憤怒兆人塗炭

尚書曰人墜塗炭孔安國注云若陷泥墜火無救之者玉與

伯升首舉義兵更始因其資以據帝位而不能奉承大

統敗亂綱紀盜賊日多羣生危蹙

蹙迫也音子大反

大王初征

昆陽王莽自潰後拔邯鄲北州弭定三分天下而有其

二跨州據土帶甲百萬言武力則莫之敢抗論文德則

無所與辭臣聞帝王不可以久曠天命不可以謙拒惟

大王以社稷為計萬姓為心光武又不聽行到南平棘

縣名屬常山郡今趙州縣故城在縣南

諸將復固請之光武曰寇賊未平

四面受敵何據欲正號位乎諸將且出耿純進曰天下

士大夫捐親戚棄土壤從大王於矢石之間者其計固

望其攀龍鱗附鳳翼以成其所志耳揚雄法言曰攀龍鱗附鳳翼異以揚

之今功業即定天人亦應而大王留時逆眾不正號位

純恐士大夫望絕計窮則有去歸之思無為久自苦也

大衆一散難可復合時不可留眾不可逆純言甚誠切

光武深感曰吾將思之行至郾縣名今趙州高邑縣也郾音火各反光武

先在長安時同舍生彊華續漢書曰彊華潁川人也彊音其兩反自關中

奉赤伏符曰劉秀發兵捕不道四夷雲集龍鬪野四七

之際火為主四七二十八也自高祖至光武初起合二百二十八年即四七之際也漢火德故火

為王也謂彊華奉羣臣因復奏曰受命之符人應為大

里合信不議同情周之白魚曷足比焉尚書中候曰武王伐紂度孟津

中流白魚躍入王舟長三尺赤文有字告以伐紂之意也今上無天子海內淆亂符

瑞之應昭然著聞宜答天神以塞羣望光武於是命有

司設壇場於郾南千秋亭五成陌壇謂築上場謂除地秦法十里一亭南北

為阡東西為陌其地在今趙州陌鄉縣六月己未即皇帝位燔燎告天高天

不可達故燔柴以祭之庶高煙上通也爾雅云祭天曰燔柴燔音煩燎音力弔反禋于六宗精

以享謂之禋續漢志平帝元始中謂六宗為易卦六子之氣水火雷風山澤也光武中興遵而不改至安帝即

位初改六宗為天地四方之望於羣神山林川谷能興

宗祠於洛陽之北戌亥之地其祝文曰皇天上帝后土

神不可徧至故望而祭之尚書曰望于山川徧于羣神

萬曆二十四年刊

後漢書卷之三

帝紀

七

神祇眷顧降命屬秀黎元為人父母屬音秀不敢當羣

下百辟不謀同辭咸曰王莽篡位秀發憤興兵破王尋

王邑於昆陽誅王郎銅馬於河北平定天下海内蒙恩

上當天地之心下為元元所歸元元謂黎庶也識記曰劉秀發

兵捕不道卯金修德為天子卯金劉字也春秋寅孔圖曰卯金刀名為赤帝後次

代周秀猶固辭至于再至于三羣下僉曰皇天大命不可

稽留敢不敬承於是建元為建武大赦天下改鄙為高

邑是月赤眉立劉盆子為天子甲子前將軍鄧禹擊更

始定國公王匡於安邑大破之安邑縣屬河東郡今蒲州縣也斬其

將劉均秋七月辛未拜前將軍鄧禹為大司徒丁丑以

野王令王梁為大司空野王縣屬河內郡故城在今懷州時據赤伏符文故從縣宰而

超拜之事壬午以大將軍吳漢為大司馬偏將軍景丹

為驃騎大將軍大將軍耿弇為建威大將軍偏將軍蓋

延為虎牙大將軍偏將軍朱祐為建義大將軍中堅將

軍杜茂為大將軍時宗室劉茂自號厭新將軍王莽號新室言

欲厭率眾降封為中山王己亥幸懷縣名屬河內郡故城在今懷州武陟

勝之縣西天子所行必有恩幸故稱幸遣耿弇率彊弩將軍陳俊軍五社津

水經注曰鞏縣北有五社津一名土社津有山臨河其下有穴潛通淮浦有渚謂之鮪渚呂覽云武王伐紂至鮪水即備滎陽以東使吳漢率朱祐及廷尉岑彭前書

此地秦官也聽獄必質於朝廷與執金吾賈復前書曰中尉

為執金吾吾禦也掌揚化將軍堅鐔等十一將軍鐔音徒南

反圍朱鮪於洛陽八月壬子祭社稷癸丑祠高祖太宗

世宗於懷宮進幸河陽更始廩丘王田立降廩丘縣屬東郡城在

今濮州雷澤縣北也九月赤眉入長安更始奔高陵辛未詔曰更

始破敗棄城逃走妻子裸袒流冗道路冗音人勇反冗散也朕甚

愍之今封更始為淮陽王淮陽郡故城在今陳州宛丘縣西南吏人敢有

賊害者罪同大逆甲申以前高密令卓茂為太傅高密縣屬

高密國今密州縣故城在今縣之西南卓以平帝時為密令故曰前辛卯朱鮪舉城降冬

十月癸丑車駕入洛陽幸南宮却非殿遂定都焉蔡質漢典

職儀曰南宮至北宮中央作大屋複道三道行天子從中道從官夾左右十步一衛兩宮相去七里又各陽宮

閣名有却非殿遣岑彭擊荊州羣賊十一月甲午幸懷劉永自

稱天子十二月丙戌至自懷赤眉殺更始而隗囂據隴

右盧芳起安定郡名今涇州縣破虜大將軍叔壽擊五校賊於

曲梁戰歿曲梁屬廣平國今洛州縣也

二年春正月甲子朔日有食之續漢志曰在危八度虛危齊地賊張步推兵據

齊至五年乃破大司馬吳漢率九將軍擊檀鄉賊於鄴東大破

降之庚辰封功臣皆為列侯大國四縣餘各有差下詔

曰人情得足苦於放縱快須臾之欲忘慎罰之義尚書曰罔

不明德慎罰亦克用勸孔安國注云慎刑罰亦能用勸善也惟諸將業遠功大誠欲

傳於無窮宜如臨深淵如履薄冰戰戰慄慄日慎一日

其顯效未酬名籍未立者大鴻臚趣上

續漢志曰大鴻臚卿一人中二千石掌諸王入朝及拜諸侯封者趣音促

帝王封諸侯不過百里

故利以建侯取法於雷

合法制帝曰古之亡國皆以無道未嘗聞功臣地多而

滅亡者乃遣謁者即授印綬

石中興但三十人蔡質典職儀曰皆選儀容端正任奉

使者前書曰諸侯王金璽蓋綬列侯金璽紫綬蓋音及

草名也似艾可染

綬因以名綬也

策曰在上不驕高而不危制節謹度

滿而不溢敬之戒之傳爾子孫長為漢藩

藩屏也言建諸侯所以為

國之藩蔽也詩大

雅曰四國于藩

壬午更始復漢將軍鄧暉輔漢將軍

于匡降皆復爵位壬子起高廟建社稷於洛陽立郊兆

于城南始正火德色尚赤

漢禮制度曰人君之居前有後制寢以象寢光武都洛陽乃合高祖以下至平帝為

一廟歲十一帝主於其中元帝次當第八光武第九故

立元帝為祖廟後遵而不改續漢志曰立社稷於洛陽

在宗廟之右皆方壇四面及中名依方色無屋有牆門

而已曰虎通曰天子之壇方五丈諸侯之壇半天子之

壇社者土也人非土不立非穀不食故封土立社示有

土也稷者五穀之長得陰陽中和之氣故祭之也續漢

書曰制郊兆於洛陽城南七里為壇八陛中又為重壇

天地位皆在壇上其外壇上為五帝位青帝位在甲寅

赤帝位在丙巳黃帝位在丁未白帝位在庚申黑帝位

在壬亥其外為壝重營皆紫以象紫宮營有通道以為

門日月在營內南道日在東月在西北斗在北道之西

外營中營凡千五百一十四神高皇帝配食焉北郊在

洛陽城北四里方壇四陛地祇位南面西上高皇后配

萬曆二十四年刊

西面皆在壇上地里羣后從食皆在壇下中獄在末四
獄名依其方淮海俱在東河在西濟在北江在南餘山
川各如其方漢初土德色尚黃至此始明火德徽幟尚
赤服色於是乃正。劉放曰注立元帝為祖廟案以世
數言之元帝乃是光武。是月赤眉焚西京宮室發掘園
考非祖也作祖字誤

陵園謂瑩域寇掠關中大司徒鄧禹入長安遣府掾奉

十一帝神主納於高廟漢官儀曰司徒府掾屬三十一人秩千石十一帝謂高祖至平

帝神主以木為之方尺二寸穿中央達四方天子主長
尺二寸諸侯主長一尺虞主用桑練主用栗衛宏舊漢

儀曰已葬收主為木函藏廟太室中西壁坎中去地六尺一寸祭則立主於坎下真定王楊臨

邑侯讓謀反楊景帝七代孫讓即楊弟遣前將軍耿純誅之二月已

酉幸修武縣名屬河內郡本殷之寗邑韓詩外傳曰武王伐紂勒兵於寗敗曰修武今懷州縣也

大司空王梁免壬子以太中大夫宋弘為大司空遣驃

騎大將軍景丹率征虜將軍祭遵等二將軍擊弘農賊

破之因遣祭遵圍蠻中賊張滿蠻中聚名故城蠻子國在今汝州西南俗謂之

城麻漁陽太守彭寵反攻幽州牧朱浮於薊延岑自稱武

安王於漢中辛卯至自修武三月乙未大赦天下詔曰

頃獄多寃人用刑深刻朕甚愍之孔子云刑罰不中則

民無所措手足其與中二千石諸大夫博士議郎議省

刑法遣執金吾賈復率二將軍擊更始鄧王尹遵破降

之驍騎將軍劉植擊密賊戰歿密縣屬河南郡今洛州縣遣虎牙大

將軍蓋延率四將軍伐劉永夏四月圍永於睢陽更始

將蘇茂殺淮陽太守潘蹇而附劉永甲午封叔父良為

廣陽王兄子章為太原王章弟興為魯王春陵侯嫡子

祉為城陽王城陽國故城今沂州臨沂縣南五月庚辰封更始元氏王

歙為泗水王泗水國今兗州縣也故真定王楊子德為真定王周

後姬常為周承休公武帝封周後姬嘉為周子南君成帝封姬延為周承休公常即延之

後承休所封故城在今汝州東北癸未詔曰民有嫁妻賣子欲歸父母

者恣聽之敢拘執論如律六月戊戌立貴人郭氏為皇

后子彊為皇太子大赦天下增郎謁者從官秩各一等

前書曰郎官掌守門戶出充車騎有議郎中郎侍郎郎中秩六百石已下丙午封宗子劉終

為淄川王淄川國今淄川縣秋八月帝自將征五校丙辰幸內

黃縣名屬魏郡今相州縣大破五校於蕪陽降之蕪陽聚名屬魏郡故城在今相

州堯城縣東諸本有作蕪者誤也左傳云晉荀盈如齊逆女還卒於戲陽社預注云內黃縣北有戲陽城戲與蕪同音遣游擊將軍鄧隆救朱浮與彭寵戰於潞隆軍

敗績蓋延拔睢陽劉永奔譙今亳破虜將軍鄧奉據滎

陽反九月壬戌至自內黃驃騎大將軍景丹薨延岑大

破赤眉於杜陵縣名屬京兆周之杜伯國在今萬年縣東南關中饑民相食

冬十一月以廷尉岑彭為征南大將軍率八將軍討鄧

奉於堵鄉水經注曰堵水南經小堵鄉在今唐州方城縣堵音者銅馬青犢尤來

餘賊共立孫登為天子於上郡春秋保乾圖曰賊臣起名孫登巧用法多技方

蓋立以應之上郡故城在今涇州上縣東南登將樂玄殺登以其眾五萬餘

人降遣偏將軍馮異代鄧禹伐赤眉使太中大夫伏隆持

節

節

節安輯青徐二州招張步降之十二月戊午詔曰惟宗

室列侯為王莽所廢先靈無所依歸朕甚愍之其並復

故國若侯身已歿屬所上其子孫見名尚書封拜屬所

子孫所屬之郡縣也錄其見名上於尚書封拜之是歲蓋延等大破劉永於沛

西沛今徐州縣也初王莽末天下旱蝗黃金一斤易粟一斛至

是野穀旅生旅寄也不因播種而生故曰旅今字書作糶音呂古字通麻未尤盛野

蠶成繭被於山阜人收其利焉

三年春正月甲子以偏將軍馮異為征西大將軍杜茂

為驃騎大將軍大司徒鄧禹及馮異與赤眉戰於回溪

溪名也俗名回坑在今洛州永寧縣東禹異敗績征虜將軍祭遵破蠻中

斬張滿辛巳立皇考南頓君巳上四廟壬午大赦天下

閏月乙巳大司徒鄧禹免馮異與赤眉戰於峭底大破

之峭山名底阪也一名嶽岑山在今洛州永寧縣西北餘眾南向宜陽縣名屬弘農郡韓國

都也故城在今洛州福昌縣東韓城是也帝自將征之巳亥幸宜陽甲辰親

勒六軍大陳戎馬大司馬吳漢精卒當前中軍次之驍

騎武衛分陳左右赤眉望見震怖遣使乞降丙午赤眉

君臣面縛奉高皇帝璽綬蔡邕獨斷曰皇帝六璽皆王

之璽皇帝信璽天子行璽天子之璽天子信璽皆以武

都紫泥封之玉璽譜曰傳國璽是秦始皇初定天下所

刻其玉出藍田山丞相李斯所書其文曰受命于天既

壽未昌高祖至霸上秦王子嬰獻之至王莽篡位就元

后求璽不與以威逼之乃出璽投地璽上螭一角缺及

莽敗李松持璽詣死上更始更始敗璽入赤眉劉盆子

萬曆二十四年刊

後漢書卷三

帝紀

三

既敗以詔以屬城門校尉前書曰城門校尉掌京師戊

申至自宜陽已酉詔曰羣盜縱橫賊害元元益子竊尊

號亂惑天下朕奮兵討擊應時崩解十餘萬眾束手降

服先帝璽綬歸之王府斯皆祖宗之靈士人之力朕曷

足以享斯哉享當也其擇吉日祠高廟賜天下長子當為

父後者爵人一級二月己未祠高廟受傳國璽劉永立

董憲為海西王海西縣屬琅邪郡張步為齊王步殺光祿大夫

伏隆而反幸懷遣吳漢率二將軍擊青犢於軹西大破

降之軹縣屬河內郡故城在今洛州濟源縣東南三月壬寅以大司徒司直

伏湛為大司徒續漢志曰光武即位依武帝故事置司徒司直建武十一年省彭寵陷

薊城寵自立為燕王帝自將征鄧奉幸堵陽夏四月大

破鄧奉於小長安斬之馮異與延岑戰於上林破之關中

苑也吳漢率七將軍與劉永將蘇茂戰於廣樂大破之

廣樂地關今宋州虞城縣有長樂故城蓋避隋煬帝諱虎牙大將軍蓋延圍劉永

於睢陽五月己酉車駕還宮乙卯晦日有食之續漢志曰日在

崇謀作亂其七月伏誅六月壬戌大赦天下耿弇與

延岑戰于穰大破之穰縣屬南陽郡今鄧州縣秋七月征南大將軍

岑彭率三將軍伐秦豐戰於黎丘大破之獲其將蔡宏

庚辰詔曰吏不滿六百石下至墨綬長相有罪先請續漢

志曰縣大者置令一人千石其次置長四百石小男子

者三百石侯國之相亦如之皆掌理人並秦制

萬曆二十四年刊

後漢書卷三

帝紀

三

所以下韓本末有名字

八十以上十歲以下及婦人從坐者自非不道詔所以

捕皆不得繫詔書有名當驗問者即就驗女徒雇山歸

家前書音義曰今甲女子犯徒遣歸家蓋延拔睢陽獲

劉末而蘇茂周建立末子紆為梁王冬十月壬申幸春

陵祠園廟因置酒舊宅大會故人父老光武舊宅在今

南宅南二里有白水馬即十一月乙未至自春陵涿郡

太守張豐反涿郡故城在今是歲李憲自稱天子西州

大將軍隗囂奉奏時鄧禹承制命囂為西州建義大將

軍朱祐率祭遵與延岑戰於東陽斬其將張成東陽聚

城在今鄧州南臨淮郡復有東陽縣非此地也

四年春正月甲申大赦天下二月壬子幸懷壬申至自

懷遣右將軍鄧禹率二將軍與延岑戰於武當破之武

縣屬南陽郡有武夏四月丁巳幸鄴巳巳進幸臨平縣

當山今均州縣也遣大司馬吳漢擊五校賊於箕山

大破之吳漢傳曰五月進幸元氏辛巳進幸盧奴遣征

虜將軍祭遵率四將軍討張豐於涿郡斬豐六月辛亥

車駕還宮七月丁亥幸譙遣捕虜將軍馬武偏將軍王

霸圍劉紆於垂惠垂惠聚名在今亳州山董憲將賁休

以蘭陵城降憲圍之前書曰賁赫賁音肥今姓作賁音

州丞虎牙大將軍蓋延率平狄將軍龐萌救賁休不克

采韓本作乘

萬曆二十四年刊

後漢書卷正

帝紀

三

蘭陵爲憲所陷秋八月戊午進幸壽春今壽州縣太中大夫

徐暉擅殺臨淮太守劉度暉坐誅遣揚武將軍馬成率

三將軍伐李憲九月圍憲於舒縣名故城在今廬州廬江縣西冬十月

甲寅車駕還宮太傅卓茂薨十一月丙申幸宛遣建義

大將軍朱祐率二將軍圍秦豐於黎丘十二月丙寅進

幸黎丘是歲征西大將軍馮異與公孫述將程焉戰於

陳倉破之

五年春正月癸巳車駕還宮二月丙午大赦天下捕虜

將軍馬武偏將軍王霸拔垂惠乙丑幸魏郡今相州也壬申

封殷後孔安爲殷紹嘉公武帝封孔吉爲殷紹嘉公安卽吉之裔也彭寵爲

其蒼頭所殺漁陽平秦呼人爲黔首謂奴爲蒼頭者以別於良人也大司馬吳

漢率建威大將軍耿弇擊富平獲索賊於平原大破降

之平原郡今德州縣也復遣耿弇率二將軍討張步三月癸未徙

廣陽王良爲趙王始就國平狄將軍龐萌反殺楚郡太

守孫萌而東附董憲遣征南大將軍岑彭率二將軍伐

田戎於津鄉大破之南郡有津鄉故城在今荆州江陵縣東夏四月旱蝗

河西大將軍竇融始遣使貢獻五月丙子詔曰久旱傷

麥秋種未下朕甚憂之將殘吏未勝獄多寃結元元愁

恨感動天地乎其令中都官三輔郡國出繫囚前書音義曰中也

都官謂京師諸官府也國謂諸侯王國也罪非犯殊死一切勿案見徒免爲

反聲本作皮宋本亦同
韵會寄羈及縣名

庶人務進柔良退貪酷各正厥事焉六月建義大將軍

朱祐拔黎丘獲秦豐而龐萌蘇茂圍桃城任城國有桃聚故城在今

兖州任帝時幸蒙縣名屬梁國故城在今宋州北因自將征之先理兵

任城乃進救桃城大破萌等秋七月丁丑幸沛祠高原

廟前書音義曰原再也謂已立廟更立者為原詔修復西京園陵進幸湖陵

征董憲湖陵縣屬山陽郡故城在今兖州方與縣東一名湖陵又幸蕃縣名屬魯國故城在

今徐州滕縣蕃音反遂攻董憲於昌慮大破之昌慮縣屬東海郡故城在今徐州滕

縣東南古邾國之濫邑左傳八月己酉進幸郟縣名屬東海郡故城在今泗州下邳縣東北郟音談留吳漢攻劉紆董憲等車駕轉徇彭

城下邳吳漢拔郟獲劉紆漢進圍董憲龐萌於胸縣名屬東

海郡故城在今海州胸山縣西音其丁反冬十月還幸魯使大司空祠孔子

耿弇等與張步戰於臨淄大破之臨淄今青州縣帝幸臨淄進

幸劇縣名故城在今青州壽光縣南故紀國城也張步斬蘇茂以降齊地平

初起太學陸機洛陽記曰太學在洛陽城故開陽門外去宮八里講堂長十丈廣三丈車駕

還宮幸太學賜博士弟子各有差十一月壬寅大司徒

伏湛免尚書令侯霸為大司徒十二月盧芳自稱天子

於九原縣名屬五原郡故城在今勝州銀城縣西州大將軍隗囂遣子恂

入侍交趾牧鄧讓率七郡太守遣使奉貢交趾郡今交州縣也南濱

大海輿地志云其夷足大指開折兩足並立指則相交

趾與趾同古字通應劭漢官儀曰始開北方遂交於南

為子孫基趾也七郡謂南海蒼梧鬱林合

浦交趾九真日南並屬交州見續漢書 詔復濟陽二

折宋本作折

萬曆二十四年刊

後漢書卷五

帝紀

三

年徭役齊陽縣故城在今曹州冤句縣西南皇考南頓君初為齊陽令以哀帝建平元年帝生於齊陽官故復之前書音義曰復謂除其賦役也復音福是歲野穀漸少田畝益廣焉

後漢書卷一上

光武帝紀第一上紀

後漢書卷一下

光武帝紀第一下

宋宣城太守范曄撰唐章懷太子賢註

皇明國子監祭酒臣李廷機

承直郎國子監司業臣方從哲等奉

勅重校刊

六年春正月丙辰改春陵鄉為章陵縣世世復徭役比

豐沛無有所豫高祖豐沛邑人故代代復音福辛酉詔曰往歲

水旱蝗蟲為災穀價騰躐言踴貴也人用困乏朕惟百姓無

以自贍惻然愍之其命郡國有穀者給稟說文稟賜穀也音筆錦反

高年鰥寡孤獨及篤癯無家屬貧不能自存者如律戴

禮曰六十無妻曰鰥五十無夫曰寡禮記曰幼而無父曰孤老而無子曰獨爾雅曰篤困也蒼頡篇曰癘病也

漢律二千石勉加循撫無令失職揚武將軍馬成等拔

舒獲李憲二月大司馬吳漢拔胸獲董憲龐萌山東悉

平諸將還京師置酒賞賜三月公孫述遣將任滿寇南

郡今荆也夏四月丙子幸長安始謁高廟遂有事十一陵

有事謂祭也左傳曰有事於太廟高祖長陵惠帝安陵文帝霸陵景帝陽陵武帝茂陵昭帝平陵宣帝杜陵元

帝渭陵成帝延陵哀帝義陵平帝康陵遣虎牙大將軍蓋延等七將軍從

隴道伐公孫述五月巳未至自長安隗囂反蓋延等因

與囂戰於隴坻諸將敗績辛丑詔曰惟天水隴西安定

北地並郡名天水今秦州安定今涇州北地今寧州隴西今渭州吏人為隗囂所誑

誤者說文曰誑亦誤也音古賣反又三輔遭難赤眉有犯法不道者

前書音義曰律殺不辜一家三人為不道自殊死以下皆赦除之六月辛卯

詔曰夫張官置吏所以為人也管子曰張官置吏所以奉主之法今百

姓遭難戶口耗少而縣官吏職所置尚繁其令司隸州

牧漢官儀曰司隸校尉部河南河內右扶風左馮翊京兆河東弘農七郡於河南洛陽故謂東京為司隸

各實所部省減吏員縣國不足置長吏可并合者并音必政

反上大司徒大司空二府於是條奏并省四百餘縣吏

職減損十置其一代郡太守劉興擊盧芳將賈覽於高

柳戰歿高柳縣屬代郡故城在今雲州定襄縣初樂浪人王調據郡不服

樂浪郡故朝鮮國也在遼東秋遣樂浪太守王遵擊之郡吏殺調降

萬曆二十四年刊 後漢書卷下 帝紀 二

遣前將軍李通率二將軍與公孫述將戰於西城破之

西城縣屬漢中今金州縣也夏蝗秋九月庚子赦樂浪謀反大逆殊

死已下丙寅晦日有食之冬十月丁丑詔曰吾德薄不

明寇賊為害彊弱相陵元元失所詩云日月告凶不用

其行詩小雅鄭玄注云告凶告天下凶亡之徵也行道度也不用之者謂相干犯求念厥咎

內疚於心疚病也詩曰憂心孔疚其勅公卿舉賢良方正各一人

武帝建元元年始詔舉賢良方正直言極諫之士也百僚竝上封事無有隱諱宣帝

始令羣臣得奏封事以知下情有司修職務遵法度十一月丁卯詔王

莽時吏人沒入為奴婢不應舊法者皆免為庶人十二

月壬辰大司空宋弘免癸巳詔曰頃者師旅未解用度

不足故行什一之稅謂十分而稅其一也孟子曰夏五

其實皆什一也今軍士屯田糧儲差積武帝初通西域始置校尉屯田其令郡

國收見田租三十稅一如舊制景帝二年令人田租三

云舊制隗囂遣將行巡寇扶風行姓巡名漢有行祐為趙相見風俗通征西

大將軍馮異拒破之是歲初罷郡國都尉官劉放曰案郡有都尉

國有中尉此時罷郡都尉官耳不當有國字始遣列侯就國匈奴遣使來獻

使中郎將報命漢官儀曰使匈奴中郎將擁節秩比二千石匈奴傳云令中郎將韓統報命賂

幣七年春正月丙申詔中都官三輔郡國出繫囚非犯殊

死皆一切勿案其罪見徒免為庶民耐罪亡命吏以文

萬曆二十四年刊

後漢書卷下 帝紀 三

除之

耐輕刑之名前書音義曰一歲刑為罰作二歲刑已上為耐耐音乃代及亡命謂犯耐罪而背名逃者令吏為文簿記其姓名而除其罪恐遂逃不歸因失名籍又詔曰世以厚葬為德

薄終為鄙至于富者奢僭貧者單財

單盡也

法令不能禁

禮義不能止倉卒乃知其咎

倉卒謂喪亂也諸厚葬者皆被發掘故乃知其咎惡也

其布告天下令知忠臣孝子慈兄悌弟薄葬送終之

義二月辛巳罷護漕都尉官三月丁酉詔曰今國有眾

軍竝多精勇宜且罷輕車騎士材官樓船士及軍假吏

漢官儀曰高祖命天下郡國選能引關蹶張材力武猛者以為輕車騎士材官樓船常以立秋後講肄課試各有員數平地用車騎山阻用材官水泉用樓船軍假吏謂軍中權置吏也今悉罷之令還復民伍

公孫述立隗囂為朔寧王癸亥晦日有食之避正殿寢

兵不聽事五日詔曰吾德薄致災謫見日月

謫責也音直革反左

傳曰人君為政不用善自取謫於日月之災也

戰慄恐懼夫何言哉今方念愆

庶消厥咎其令有司各修職任奉遵法度惠茲元元百

僚各上封事無有所諱其上書者不得言聖夏四月壬

午詔曰比陰陽錯謬日月薄食百姓有過在予一人大

赦天下公卿司隸州牧舉賢良方正各一人遣詣公車

朕將覽試焉

公車門名公車所在因以名焉漢官儀曰公車掌殿司馬門天下上事及徵召皆總

領五月戊戌前將軍李通為大司空甲寅詔吏人遭饑

亂及為青徐賊所略為奴婢下妻欲去留者恣聽之

左傳云不以道取為略

敢拘制不還以賣人法從事

言從賣人之事以結其罪

是夏連雨水漢忠將軍王常為橫野大將軍八月丁亥

封前河間王邵為河間王隗囂寇安定征西大將軍焉

異征虜將軍祭遵擊却之冬盧芳所置朔方太守田颯

立音雲中太守喬扈各舉郡降是歲省長水射聲二校尉

官前書音義曰長水地名胡騎所屯射聲謂工射者夜

八年春正月中郎將來歙襲略陽縣名屬天水郡故城

北殺隗囂守將而據其城夏四月司隸校尉傅亢下獄

死隗囂攻來歙不能下閏月帝自征囂河西太守竇融

率五郡太守與車駕會高平五郡謂隴西金城天水酒泉張掖高平縣名屬安定

隴右潰隗後改為高平今原州縣。劉放曰注案高平縣名後改為高平不成文理蓋合有一郡字

囂奔西城遣大司馬吳漢征南大將軍岑彭圍之進幸

上邽不降上邽縣名屬隴西郡故邽戎邑今秦州縣命虎牙大將軍蓋延建

威大將軍耿弇攻之潁川盜賊寇沒屬縣河東守守兵

亦叛劉放曰案文多一守字若云太守之兵又不合去太守京師騷動秋大水八

月帝自上邽晨夜東馳九月乙卯車駕還宮庚申帝自

征潁川盜賊皆降安丘侯張步叛歸琅邪安丘縣屬北海郡今密州

縣有渠丘亭琅邪太守陳俊討獲之戊寅至自潁川冬十月

丙午幸懷十一月乙丑至自懷公孫述遣兵救隗囂吳

漢蓋延等還軍長安天水隴西復反歸囂十二月高句

驪王遣使奉貢是歲大水左傳曰平原出水為大水

九年春正月隗囂病死其將王元周宗復立囂子純為

王徙鴈門吏人於太原三月辛亥初致青巾左校尉官

劉放曰案前史廢置官皆用置字字書置立也致字訓送詣上文光武為司隸致僚屬招致之義可作致字今

建此官宜作置蓋緣前文公孫述遣將田戎任滿據荆

遂誤此字改作置無疑門水經注曰江水東歷荆門虎牙之間荆門山在南上

類牙故以名也此二山楚之西夏六月丙戌幸緱氏登

塞也在今硤州夷陵縣東南遣大司馬吳漢率四

將軍擊盧芳將賈覽於高柳戰不利秋八月遣中郎將

來歙監征西大將軍馮異等五將軍討隗純於天水驃

騎大將軍杜茂與賈覽戰於繁時縣名屬鴈門郡今代州縣茂軍敗

績是歲省關都尉別書曰秦官也武帝置復置護羌校尉官漢官

武帝置秩比二千石持節以護西羌三莽亂遂罷時班彪議宜復其官以理冤結帝從之以牛邯為護羌校尉

都於隴西十年春正月大司馬吳漢率捕虜將軍王霸等五將軍

擊賈覽於高柳匈奴遣騎救覽諸將與戰郤之修理長

安高廟夏征西大將軍馮異破公孫述將趙匡於天水

斬之征西大將軍馮異薨秋八月己亥幸長安祠高廟

遂有事十一陵戊戌進幸汧縣名屬右扶風故城在今隴州汧源縣隗囂

將高峻降冬十月中郎將來歙等大破隗純於落門前

日天水冀縣有落門聚在今渭州隴其將王元奔蜀純

西縣東南有落門山落門水出焉

與周宗降隴右平先零羌寇金城隴西

金城郡故城在今蘭州廣武縣

之西來歙率諸將擊羌於五谿大破之

續漢志曰隴西襄武縣有五谿

聚庚寅車駕還官是歲省定襄郡

定襄故城在今勝州界徙其民

於西河

郡名今石州離石縣泗水王歙薨淄州王終薨

十一年春二月己卯詔曰天地之性人為貴其殺奴婢

不得減罪已酉幸南陽還幸章陵祠園陵城陽王祉薨

庚午車駕還官閏月征南大將軍岑彭率三將軍與公

孫述將田戎任滿戰於荆門大破之獲任滿威虜將軍

馮駿圍田戎於江州

縣名屬巴郡今渝州巴縣

岑彭遂率舟師伐公

孫述平巴郡夏四月丁卯省大司徒司直官

漢官儀曰武帝置丞

相司直元壽二年改丞相為大司徒司直仍舊今省

先零羌寇臨洮

縣名屬隴西郡故城在今

岷州六月中郎將來歙率揚武將軍馬成破公孫述將王

元環安於下辯

縣名屬武都郡今成州同谷縣舊名武衛城

安遣閒人刺殺

中郎將來歙

閒謀也謂伺候間隙也

帝自將征公孫述秋七月次

長安

左傳例曰凡師出一宿為舍再宿為信過宿為次

八月岑彭破公孫述將

侯丹於黃石

即黃石灘也水經注曰江水自涪陵東輔出百里而屈于黃石在今涪州涪陵縣輔

威將軍臧宮與公孫述將延岑戰於沈水大破之

水經注曰

沈水出廣漢縣下入涪水本或作沉水及沅水者並非

王元降至自長安癸亥詔

曰敢炙灼奴婢論如律免所炙灼者為庶民冬十月壬

午詔除奴婢射傷人棄市律公孫述遣閒人刺殺征南

大將軍岑彭馬成平武都因隴西太守馬援擊破先零羌徙致天水隴西扶風十二月大司馬吳漢率舟師伐

公孫述是歲省朔方牧并并州知郡在今夏州朔方縣北上并音必政反

初斷州牧自還奏事前書音義曰刺史每歲盡則入奏事京師今斷之哀帝改刺史曰州牧

十二年春正月大司馬吳漢與公孫述將史興戰於武

陽斬之武陽縣屬犍為郡故城在今眉州隆山縣東也三月癸酉詔隴蜀民被

略為奴婢自訟者及獄官未報一切免為庶民夏甘露

降南行唐縣名屬常山郡今恒州縣六月黃龍見東阿今濟州縣秋七月

威虜將軍馮峻拔江州獲田戎九月吳漢大破公孫述

將謝豐于廣都斬之廣都今益州輔威將軍臧宮拔涪城斬

公孫恢涪城今綿州縣也恢述之弟大司空李通罷冬十一月戊寅

吳漢臧宮與公孫述戰於成都大破之述被創夜死辛

巳吳漢屠成都夷述宗族及延岑等廣雅曰夷猶滅也十二月

辛卯揚武將軍馬成行大司空事是歲九真徼外蠻夷

張遊率種人內屬九真今愛州縣封為歸漢里君省金城郡屬

隴西參狼羌寇武都武都今武州也參音所今反隴西太守馬援討

降之詔邊吏力不足戰則守追虜料敵不拘以逗留法

說文曰逗留止也前書音義曰逗是曲行避敵也漢法軍行逗留畏懼者斬追虜或近或遠量敵進退不拘以軍法直取勝敵為務也逗古住字橫野大將軍王常薨遣驃騎大將軍

萬曆十四年刊

杜茂將眾部施刑屯北邊

施讀曰施弛解也前書音義曰謂有赦令去其鉗鈇赭衣

謂之

築亭候

亭候伺候望敵之所前書曰秦法十里一亭亭有長漢因之不改

修烽燧

前書音義曰邊方備警急作高土臺臺上作桔臯桔臯頭有兜零以薪草置其中常低之有寇即燃火舉之以相告曰烽又多積薪寇至即燔之望其烟曰燧晝則燔燧夜乃舉烽廣雅曰兜零籠也

十三年春正月庚申大司徒侯霸薨戊子詔曰往年已

勅郡國異味不得有所獻御今猶未止非徒有豫養導

擇之勞

豫養謂未至獻時豫前養之導亦擇也

至乃煩擾道上疲費過所

其令太官勿復受

續漢志曰太官令一人秩六百石掌御膳飲食

明勅下以遠

方口實所以薦宗廟自如舊制

漢官儀曰口實膳羞之事也

二月遣

捕虜將軍馬武屯滹沱河以備匈奴盧芳自五原亡入

匈奴丙辰詔曰長沙王興真定王得河間王邵中山王

茂皆襲爵為王不應經義

以其服屬既疏不當襲爵為王

其以興為臨

相侯

臨相縣今潭州長沙縣

得為真定侯邵為樂成侯

樂成縣故城在今瀛

州樂府縣西北

茂為單父侯

今宋州縣音善甫

其宗室及絕國封侯者

凡一百三十七人丁巳降趙王良為趙公太原王章為

齊公魯王興為魯公庚午以殷紹嘉公孔安為宋公周

承休公姬常為衛公省并西京十三國廣平屬鉅鹿真

定屬常山河間屬信都城陽屬琅邪泗水屬廣陵淄川

屬高密膠東屬北海陸安屬廬江廣陽屬上谷

據此惟

二云十三誤也

三月沛郡太守韓歆為大司徒丙子行大司空

馬成罷夏四月大司馬吳漢自蜀還京師於是大饗將

士班勞策勳班布也謂徧布勞來之其有功者功臣增

邑更封凡三百六十五人其外戚恩澤封者四十五人

罷左右將軍官前書曰左右將軍周官也秦漢因之至此罷建威大將軍耿

弇罷益州傳送公孫述警師郊廟樂器葆車輿輦於是

法物始備警無目之人也為樂師取其無所見於音聲

葆車謂上建羽葆也合聚五采羽名為葆輿者車之總

名也輦者駕人以行法物謂大駕鹵簿儀式也時草創

未暇今得時兵革既息天下少事文書調役務從簡寡

調謂發也至乃十存一焉甲寅冀州牧竇融為大司空五月

匈奴寇河東秋七月廣漢徼外白馬羌豪率種人內屬

廣漢今益州維縣也徼猶塞也音吉弔反羌有百五十四種在廣漢西北者為白馬羌九月日南

徼外蠻夷獻白雉白兔日南郡屬交州冬十二月甲寅詔益州

民自八年以來被略為奴婢者謂公孫述時也皆一切免為庶

民或依託為人下妻欲去者恣聽之敢拘留者比青徐

二州以略人法從事復置金城郡前年省并隴西

十四年春正月起南宮前殿匈奴遣使奉獻使中郎將

報命中郎將劉襄也夏四月辛巳封孔子後志為褒成侯平帝封孔子

均為褒成侯志均子也越雋人任貴自稱太守遣使奉

古今志曰志時為密令計越雋郡武帝置本邛都也雋水各因越雋水

平城人賈丹殺盧芳將尹由來降平城屬鴈門郡今雲州定襄縣也是

歲會稽大疫

會稽今越州縣

莎車國鄯善國遣使奉獻

莎車鄯善並西域國名鄯音市戰反

音市戰反

十二月癸卯詔益涼二州奴婢自八年以來

自訟在所官一切免為庶民賣者無還直

十五年春正月辛丑大司徒韓歆免自殺

事見侯霸傳

丁未

有星孛於昴汝南太守歐陽歙為大司徒建議大將軍

朱祐罷丁未有星孛於營室二月徙鴈門代郡上谷三

郡民置常關居庸關以東

前書曰代郡有常山關上谷郡居庸縣有關時胡寇數犯

邊故徙之○劉放曰據注文及他處盡云常山關正文少一山字

初巴蜀既平大司馬

吳漢上書請封皇子不許重奏連歲三月乃詔羣臣議

大司空融固始侯通膠東侯復高密侯禹太常登等奏

議曰古者封建諸侯以藩屏京師

藩籬也屏蔽也詩大雅曰介人維藩大邦

維屏毛萇注云當用公卿諸侯為藩屏也公羊傳曰京者何大也師者何眾也天子之居必有眾大之辭言之

○劉放曰注必有按今公羊云必以作有非也

周封八百

史記曰唐虞協和萬國遷于夏商或數千

歲蓋周封八百也

同姓諸姬並為建國

左傳曰虞虢焦滑霍楊韓魏皆姬姓也

夾輔

王室尊事天子享國永長為後世法故詩云大啓爾宇

為周室輔

詩魯頌也宇居也周成王封周公子伯禽於魯言大開爾居以為我周家之輔

高祖

聖德光有天下亦務親親封立兄弟諸子不違舊章陸

下德橫天地興復宗統褒德賞勳親睦九族

孔安國注尚書云九

族謂上至高祖下至玄孫

功臣宗室咸蒙封爵多受廣地或連屬縣

今皇子賴天能勝衣趨拜陛下恭謙克讓抑而未議羣

臣百姓莫不失望宜因盛夏吉時定號位以廣藩輔禮記

月令天子孟夏迎夏於南郊還乃封諸侯行爵出祿明親親尊宗廟重社稷應古

合舊厭塞衆心臣請大司空上輿地圖廣雅曰輿載也言載在地者皆

圖畫之司空掌土地故令上之太常擇吉日具禮儀制曰可夏四月戊

申以太牢告祠宗廟丁巳使大司空融告廟封皇子輔

為右翊公英為楚公陽為東海公康為濟南公蒼為東

平公延為淮陽公荆為山陽公衡為臨淮公焉為左翊

公京為琅邪公癸丑追諡兄伯升為齊武公兄仲為魯

哀公六月庚午復致屯騎長水射聲三校尉官七年罷劉歆

日案文致亦當作置說同十四年改書巾左校尉為越騎校尉詔下州

郡檢覈墾田頃畝墾闢也及戶口年紀又考實二千石長

吏阿枉不平者冬十一月甲戌大司徒歐陽歛下獄死

十二月庚午關內侯龔遂為大司徒盧芳自匈奴入居

高柳是歲驃騎大將軍杜茂免虎牙大將軍蓋延薨

十六年春二月交趾女子徵側反略有城邑三月辛丑

晦日有蝕之秋九月河內尹張伋及諸郡守十餘人坐

度田不實皆下獄死東觀記曰刺史太守多為詐巧不務實核苟以度田為名聚人田中

并度廬屋里落聚人遮道啼呼郡國大姓及兵長羣盜處處並起攻劫

在所害殺長吏郡縣追討到則解散去復屯結青徐幽

冀四州尤甚冬十月遣使者下郡國聽羣盜自相糾擿

搆猶發也音它狄反

五人共斬一人者除其罪吏雖逗留迴避故

縱者皆勿問聽以禽討為效其牧守令長坐界內盜賊

而不收捕者又以畏懼捐城委守者皆不以為負委守謂棄

其所守也但取獲賊多少為殿最殿後也謂課居後也最凡

唯蔽匿者乃罪之於是更相追捕賊並解散徙其魁帥

於它郡賦田受稟使安生業自是牛馬放牧邑門不閉

盧芳遣使乞降十二月甲辰封芳為代王初王莽亂後

貨幣雜用布帛金粟是歲始行五銖錢武帝始為五銖錢王莽時廢今

始行之

十七年春正月趙公良薨二月乙亥晦日有蝕之東觀記曰

上以日食避正殿讀圖讖多御座廡下淺露中風發疾

苦眩甚左右有白大司馬吏病苦如此不能動搖自強

從公出乘以車行數里病差四月二日車駕宿偃師病

差數日入南陽界到葉以車騎省留數日行黎陽兵馬

千餘匹遂到章陵起居平愈夏四月乙卯南巡狩皇太子及右翊公

輔楚公英東海公陽濟南公康東平公蒼從幸潁川進

幸葉章陵葉縣故楚葉公邑屬南郡今許州縣也葉音式涉反五月乙卯車駕還

宮六月癸巳臨淮公衡薨秋七月妖巫李廣等羣起據

皖城縣名屬廬江郡故城在今舒州有皖水音下板反遣虎賁中郎將馬援驃

騎將軍段志討之九月破皖城斬李廣等冬十月辛巳

廢皇后郭氏為中山太后立貴人陰氏為皇后進右翊

公輔為中山王食常山郡本恒山郡避文帝諱改為常山故城在今趙州元氏縣西

其餘九國公皆即舊封進爵為王甲申幸章陵修園廟
祠舊宅觀田廬置酒作樂賞賜時宗室諸母因酣悅相
與語日文叔少時謹信與人不款曲唯直柔耳今乃能
如此帝聞之大笑曰吾理天下亦欲以柔道行之乃悉
為舂陵宗室起祠堂有鳳凰見於潁川之郊縣縣也東觀記曰鳳高八尺五彩羣鳥並從行列蓋地數頃停一十七日十二月至自章陵
是歲莎車國遣使貢獻

十八年春二月蜀郡守將史歆叛遣大司馬吳漢率二
將軍討之圍成都甲寅西巡狩幸長安三月壬午祠高
廟遂有事十一陵歷馮翊界進幸蒲坂祠后土漢官儀曰祭地

於河東汾陰后土宮宮曲入河古之祭地澤中方丘也
以夏至日祭其禮儀如祭天蒲坂縣屬河東郡后土祠
在今蒲州汾陰縣西北夏四月甲戌車駕還宮癸酉詔曰今邊郡

盜穀五十斛罪至於死開殘吏妄殺之路其蠲除此法
同之內郡遣伏波將軍馬援率樓船將軍段志等擊交
趾賊徵側等戊申幸河內戊子至自河內五月旱盧芳
復亡入匈奴秋七月吳漢拔成都斬史歆等壬戌赦益
州所部殊死已下冬十月庚辰幸宜城縣屬南郡楚之

今襄州率道縣南還祠章陵十二月乙丑車駕還宮是歲罷州
牧置刺史武帝元封五年初置部刺史掌奉詔條察州
秩六百石員十三人成帝綏和三年更名牧

秩二千石哀帝建平二年復為刺史元壽二年復為
牧經王莽變革至建武元年復置牧今改置刺史

十九年春正月庚子追尊孝宣皇帝曰中宗始祠昭帝

元帝於太廟漢官儀曰光武第雖十二於父子之次於成帝為兄弟於哀帝為諸父於平帝為祖

父皆不可為之後上至元帝於光武為父故上繼元帝而為九代故河圖云赤九會昌謂光武也然則宣帝為曾祖故追尊及祠之。劉放曰注案世

數宣帝於光武猶是祖此多一曾字 成帝哀帝平帝

於長安春陵節侯以下四世於章陵妖巫單臣傅鎮等

反據原武大中大夫臧宮圍之夏四月拔原武斬臣鎮

等伏波將軍馬援破交阯斬徵側等因擊破九真賊都

陽等降之閏月戊申進趙齊魯三國公爵為王六月戊

申詔曰春秋之義立子以貴公羊傳曰立嫡以長不以賢立子以貴不以長桓公

何以貴母貴也母貴則子貴子以母貴母以子貴。劉放曰注母貴則子貴案公羊本文當云母貴則子何以

貴此少何以二字東海王陽皇后之子宜承大統皇太子彊崇

執謙退願備藩國父子之情重又違之其以彊為東海

王立陽為皇太子改名莊秋九月南巡狩壬申幸南陽

進幸汝南南頓縣舍置酒會賜吏人復南頓田租歲劉放

曰案文不見歲數明少一字近下二十年復濟陽六歲顯宗復元氏六歲則此當初復五歲增一歲則六歲與後事同矣是

父老前叩頭言皇考居此日久陛下識知

寺舍蔡邕獨斷曰陛階陛也與天子言不敢指斥故云陛下風俗通曰寺司也諸官府所止皆曰寺光武

常從皇考至南頓故識知官府舍寺每來輒加厚恩願賜復十年帝曰天

下重器常恐不任日復一日安敢遠期十歲乎吏人又

言陛下實惜之何言謙也帝大笑復增一歲進幸淮陽

梁沛西南夷寇益州郡

常璩華陽國志云武帝元封二年

開為益州郡故城在今昆州晉寧縣是也

遣武威將軍劉尚討之越雋太守

任貴謀叛十二月劉尚襲貴誅之是歲復致函谷關都

尉九年省今復置。劉放曰正文致亦當作置此注中亦自作置也

修西京宮室

二十年春二月戊子車駕還宮夏四月庚辰大司徒戴

涉下獄死

古今注曰坐入故太倉令奚涉罪

大司空竇融免五月辛亥

大司馬吳漢薨匈奴寇上黨天水遂至扶風六月庚寅

廣漢太守蔡茂為大司徒太僕朱浮為大司空壬辰左

中郎將劉隆為驃騎將軍行大司馬事

武帝省太尉置大司馬將軍成

帝賜金印紫綬置官屬祿比丞相哀帝去將軍位在司徒上見前書

乙未徙中山王輔為

沛王秋東夷韓國人率眾請樂浪內附

東夷有辰韓下韓馬韓謂之三

也冬十月東巡狩甲午幸魯進幸東海楚沛國十二

月匈奴寇天水壬寅車駕還宮是歲省五原郡徙其吏

人置河東復濟陽縣徭役六歲

二十一年春正月武威將軍劉尚破益州夷平之夏四

月安定屬國胡叛屯聚青山

青山在今慶州烏嶺縣西北

遣將兵長

史陳訢討平之

訢音欣

秋鮮卑寇遼東遼東太守祭彤大

破之冬十月遣伏波將軍馬援出塞擊烏桓不剋匈奴

寇上谷中山其冬鄯善王車師王等十六國皆遣子入

侍奉獻願請都護

都護宣帝置始以鄭吉為之秩比二千石都總也言總護南北道居烏壘

城察西域諸國動靜以聞事見前書

帝以中國初定未遑外事乃還其待

子厚加賞賜

二十二年春閏月丙戌幸長安祠高廟遂有事十一陵

二月己巳至自長安夏五月乙未晦日有蝕之秋七月

司隸校尉蘇鄴下獄死九月戊辰地震裂制詔曰日者

地震南陽尤甚夫地者任物至重靜而不動者也而今

震裂咎在君上鬼神不順無德灾殃將及吏人朕甚懼

焉其令南陽勿輸今年田租芻藁遺謁者案行其死罪

繫囚在戊辰以前減死罪一等徒皆弛解鉗衣絲絮弛解也音徒計反又太蓋反舊法在徒役者不得衣絲絮今

赦許賜郡中居人壓死者棺錢人三千其口賦逋稅而

廬宅尤破壞者勿收責漢儀注曰人年十五至五十六歲至十四歲出口錢人二十以供天子至武帝時又口加三錢以補車騎馬逋稅謂欠田租也吏人死

亡或在壞垣毀屋之下而家羸弱不能收拾者其以見

錢穀取傭為尋求之冬十月壬子大司空朱浮免癸丑

光祿勳杜林為大司空是歲齊王章薨青州蝗匈奴奠

鞮日逐王比奠音於六反鞮音紀言反比其名也遣使詣漁陽請和親使

中郎將李茂報命烏桓擊破匈奴匈奴北徙幕南地空

前書音義曰沙土日幕即今磧也詔罷諸邊郡亭候吏卒

二十三年春正月南郡蠻叛遣武威將軍劉尚討破之

徙其種人於江夏郡名故城在今安州雲夢縣東南夏五月丁卯大司

徒蔡茂薨秋八月丙戌大司空杜林薨九月辛未陳留

太守王況為大司徒況字文伯京兆人王音肅冬十月丙申太僕張

純為大司空高句驪率種人詣樂浪內屬十二月武陵

蠻叛寇掠郡縣遣劉尚討之戰於沅水武陵郡今朗州也沅水名出牂

柯東北過臨沅縣至長沙入洞庭湖尚軍敗歿是歲匈奴奠韃日逐王比

率部曲遣使詣西河內附

二十四年春正月乙亥大赦天下匈奴奠韃日逐王比

遣使款五原塞求扞禦北虜秋七月武陵蠻寇臨沅屬武陵郡故城在今朗州武陵縣遣謁者李嵩中山太守馬成討蠻不

剋於是伏波將軍馬援率四將軍討之詔有司申明舊

制阿附蕃王法武帝時有淮南衡山之謀作左官之律設附益之法前書音義曰人道尚右言捨天子仕諸侯為左官左僻也阿曲附益王侯者將有重法是為舊制今更申明之冬十月匈奴

奠韃日逐王比自立為南單于於是分為南北匈奴

二十五年春正月遼東徼外貊人貊人穢貊國人也貊音陌寇右北

平漁陽上谷太原遼東太守祭彤招降之烏桓大人來

朝烏桓謂渠帥也南單于遣使詣闕貢獻奉蕃稱臣又遣其左

賢王擊破北匈奴却地千餘里三月南單于遣子入侍

戊申晦日有食之伏波將軍馬援等破武陵蠻於臨沅

冬十月叛蠻悉降夫餘王遣使奉獻夫餘國在海東是去玄菟千餘里

萬曆一十四年刊

後漢書卷下

帝紀

七

歲烏桓大人率衆內屬詣闕朝貢

二十六年春正月詔有司增百官奉

續漢志曰大將軍三公奉月三百五

十斛秩中二千石奉月百八十斛二千石月百二十斛比二千石月百斛千石月八十斛六百石月七十斛比

六百石月五十五斛四百石月五十斛比四百石月四十五斛三百石月四十斛比三百石月三十七斛二百

石月三十斛比二百石月二十七斛百石月十六斛比食月十一斛佐史月八斛凡諸受奉錢穀各半奉音扶

用其千石已上減於西京舊制六百石已下增於舊秩

初作壽陵

初作陵未有名故號壽陵蓋取久長之義也漢帝自文以後皆預作陵今循舊制也將

作大匠竇融上言園陵廣袤無慮所用

前書曰將作少府秦官掌宮室

景帝改為大匠秩二千石說文曰南北曰袤東西曰廣廣雅曰無慮都凡也謂請園陵都凡制度也帝曰古者帝王之葬皆陶人瓦器木車茅馬

禮記塗車芻靈自古

有之鄭玄注云芻靈束茅爲人馬也使後世之人不知其處太宗識終始

之義景帝能述遵孝道遭天下反覆而霸陵獨完受其

福豈不美哉謂赤眉入長安惟霸陵不掘令所制地不過二三頃無

爲山陵陂池裁令流水而已言不起山陵裁令封土陂池不涸水而已陂音普何

反池音徒何反遣中郎將段郴授南單于璽綬令入居雲中郡名

在今勝州北始置使匈奴中郎將將兵衛護之中郎將

也漢官儀曰使匈奴中郎將屯西河美稷縣也南單于遣子入侍奉奏詣闕於

是雲中五原朔方北地定襄鴈門上谷代八郡民歸於

本土遣謁者分將施刑補理城郭施與弛同發遣邊民

在中國者布還諸縣皆賜以裝錢轉輸給食東觀記曰時城郭丘

墟掃地更為
上悔前徙之

二十七年夏四月戊午大司徒王況薨五月丁丑詔曰

昔契作司徒禹作司空皆無大名其令二府去大朱祐奏宣

今三公並去大名以法經典帝從其議又改大司馬為太尉驃騎大將軍

行大司馬劉隆即日罷劉放曰案二漢稱行者皆云行某官事不如云行某官也

明此少一事字以太僕趙熹為太尉大司農馮勤為司徒益州

郡徼外蠻夷率種人內屬北匈奴遣使詣武威乞和親

武威郡故城在今涼州姑臧縣西北故涼城是也冬魯王興齊王石始就國

二十八年春正月己巳徙魯王興為北海王以魯國益

東海賜東海王彊虎賁旄頭鍾虞之樂漢官儀曰虎賁千五百人戴鶡

尾屬虎賁中郎將又云舊選羽林為旄頭被髮先駟魏

文帝列異傳曰秦文公時梓樹化為牛以騎擊之騎不

勝或墮地鬻解被髮牛畏之入水故秦因是置旄頭騎

使先駟爾雅曰木謂之虞所以懸鐘磬也說文曰虞飾

為猛獸夏六月丁卯沛太后郭氏薨因詔郡縣捕王侯負

客坐死者數千人時更始子鯉因沛獻王輔殺劉秋八盆子兄恭故王侯賓客多坐死秋八

月戊寅東海王彊沛王輔楚王英濟南王康淮陽王延

始就國冬十月癸酉詔死罪繫囚皆一切募下蠶室蠶室

宮刑獄名有刑者畏風須暖作窰室蓄火其女子宮謂

如蠶室因以名焉窰一禁反見前書音義也北匈奴遣使貢獻乞和親

二十九年春二月丁巳朔日有食之遣使者舉冤獄出

繫囚庚申賜天下男子爵人二級鰥寡孤獨篤癯貧不

能自存者粟人五斛夏四月乙丑詔令天下繫囚自殊
死已下及徒各減本罪一等其餘贖罪輸作各有差
三十年春正月鮮卑大人內屬朝賀二月東巡狩甲子
幸魯進幸濟南閏月癸丑車駕還宮有星孛於紫宮夏
四月戊子徙左翊王焉為中山王五月大水賜天下男
子爵人二級鰥寡孤獨篤癯貧不能自存者粟人五斛
秋七月丁酉幸魯國復濟陽縣是年徃役冬十一月丁
酉至自魯

三十一年夏五月大水戊辰賜天下男子爵人二級鰥
寡孤獨篤癯貧不能自存者粟人六斛癸酉晦日有食

之是夏蝗秋九月甲辰詔令死罪繫囚皆一切募下

室其女子宮是歲陳留雨穀形如稗實杜預注左傳云稗草之似穀者

音蒲北匈奴遣使奉獻

中元元年春正月東海王彊沛王輔楚王英濟南王康

淮陽王延趙王盱眙皆來盱音况丁卯東巡狩二月己卯

幸魯進幸太山北海王興齊王石朝于東嶽辛卯柴望

岱宗登封太山甲午禪于梁父岱宗太山也梁父太山下小山也封謂聚土為

壇墀謂除地而祭改墀為禪神之也續漢志曰時上御輦升山即位於壇南北面尚書令奉玉牒檢皇帝以寸三分璽親封之藏玉牒已以石覆訖尚書令以五寸印封石檢畢皇帝再拜禪祭地于梁陰以高后配山川羣神從祀焉其玉牒文三月戊辰司空張純薨夏四月癸

祕刻石文辭多不載

西車駕還宮已卯大赦天下復嬴博梁父奉高四縣屬太山郡

故城在今兗州博城縣界勿出今年田租芻藁改年為中元行幸長

安戊子祀長陵五月乙丑至自長安六月辛卯太僕馮

魴為司空乙未司徒馮勤薨是夏京師醴泉湧出尚書中候

曰後又在官則醴泉出也飲之者痼疾皆愈惟眇蹇者不瘳又有赤

草生於水崖赤草朱草也大戴禮曰朱草日生一葉至十五日已後日落一葉周而復始郡

國頻上甘露羣臣奏言地祇靈應而朱草萌生孝經援神契曰

德至草木即生朱草也孝宣帝每有嘉瑞輒以改元神爵五鳳甘

露黃龍列為年紀蓋以感致神祇表彰德信是以化致

升平稱為中興今天下清寧靈物仍降陛下情存損挹

推而不居豈可使祥符顯慶沒而無聞宜令太史撰集

太史史官之長也以傳來世帝不納常自謙無德每郡國所上

輒抑而不當故史官罕得記焉秋郡國三蝗冬十月辛

未司隸校尉東萊李訢為司徒甲申使司空告祠高廟

曰高皇帝與羣臣約非劉氏不王呂太后賊害三趙謂高

帝子趙幽王友趙恭王恢趙隱王如意專王呂氏賴社稷之靈祿產伏誅

呂產呂祿並呂后兄弟子呂后崩各擁南北軍欲為亂周勃陳平等擒之天命幾墜危朝更

安呂太后不宜配食高廟同祧至尊薄太后母德慈仁

薄太后高帝姬孝文皇帝賢明臨國子孫賴福延祚至

今其上薄太后尊號曰高皇后配食地祇遷呂太后廟

主于園四時二祭園謂瑩域也十一月甲子晦日有食

之是歲初起明堂靈臺辟雍及北郊兆域大戴禮云明堂者凡九室

一室有四戶八牖三十六戶七十二牖以茅蓋上上員下方赤綴戶也白綴牖也禮圖又曰建武三十二年作

明堂上員下方十二堂法日辰九室法九州室八憲八九七十二法一時之王室有十二戶法陰陽之數胡伯

始云古清廟蓋以茅今蓋以瓦下藉茅存古制也漢官儀曰明堂四面起土作塹上作橋塹中無水明堂去平

城門二里許天子出從平城門先歷明堂乃至郊祀又曰辟雍去明堂三百步車駕臨辟雍從北門入三月九

月皆於中行鄉射禮辟雍以水周其外以節觀者諸侯曰泮宮東西南有北無下天子也漢宮閣疏曰靈臺

高三丈十二門天子曰靈臺諸侯曰觀臺漢官儀北郊壇在城西北角去城一里所謂方壇四陛但存壇祠舍

而已其鼓吹樂及舞人御帳皆從南郊之具地祇位南面西上高皇后配西面皆在壇上地理羣神從食壇下

南郊焚饋宣布圖識於天下復濟陽南頓是年徃役參

狼羌寇武都敗郡兵隴西太守劉盱遣軍救之及武都

郡兵討叛羌皆破之

二年春正月辛未初立北郊祀后土東夷倭奴國王遣

使奉獻倭在帶方東南大海中依山島為國二月戊戌帝崩於南宮前殿

年六十二伏侯古今注曰是歲在丁巳遺詔曰朕無益百姓皆如孝

文皇帝制度務從約省文帝葬皆以瓦器不以金銀刺銅錫為飾因其山不起墳

史二千石長史皆無離城郭無遣吏及因郵奏說文曰郵境上

行書初帝在兵間厭武事且知天下疲耗思樂息肩

舍也自隴蜀平後非倣急未嘗復言軍旅皇太子

嘗問攻戰之事帝曰昔衛靈公問陳孔子不對此非爾

所及每旦視朝日側乃罷數引公卿郎將講論經理夜
分乃寐皇太子見帝勤勞不怠承間諫曰陛下有禹湯
之明而失黃老養性之福願頤愛精神優游自寧帝曰
我自樂此不為疲也雖身濟大業兢兢如不及故能明
慎政體總攬權綱量時度力舉無過事退功臣而進文
吏戢弓矢而散馬牛雖道未方古斯亦止戈之武焉

論曰皇考南頓君初為濟陽令以建平元年十二月甲

子夜生光武於縣舍

蔡邕光武碑文云光武將生皇考以令舍不顯開宮後殿居之而生

有赤光照室中

東觀記曰光照室中盡明如晝欽異焉使卜者王長占

之長辟左右

碑音頻亦反

曰此兆吉不可言是歲縣界有嘉

禾生一莖九穗因名光武曰秀明年方士有夏賀良者
上言哀帝云漢家歷運中衰當再受命於是改號為太
初元年稱陳聖劉太平皇帝以厭勝之及王莽篡位忌
惡劉氏以錢文有金刀故改為貨泉或以貨泉字文為
白水真人後望氣者蘇伯阿為王莽使至南陽遙望見
舂陵郭曄曰曄歎也音子夜反氣佳哉鬱鬱葱葱然及始起兵
還舂陵遠望舍南火光赫然屬天有頃不見初道士西
門君惠李守等亦云劉秀當為天子其王者受命信有
符乎不然何以乘時龍而御天哉

贊曰炎正中微大盜移國

漢以火德王故曰炎正大盜謂王莽篡位也莊子曰田成

子一日殺齊君而盜其國向所謂智者不反為大盜積者乎九縣颯回三精霧塞九州也颯回謂亂也三精日月星也霧塞言昏昧也精或為象人厭淫詐神思反德光

武誕命靈貺自甄誕大也書曰誕膺天命甄明也靈貺謂佳氣神光之類也沈幾先

物深略緯文幾者動之微也物事也沈深之幾也尋邑百

萬貌虎為羣虎執夷虎屬也書曰如也長轂雷野高鋒彗

雲長轂兵車雷野言其聲盛淮南子英威既振新都自

焚王莽初封為新都侯史記曰周武王伐紂紂衣其寶玉自焚而死莽雖被殺滅亡與紂同故假以言之

虔劉庸代紛紜梁趙虔劉皆殺也左傳曰虔劉我邊壘謂公孫述稱帝於庸蜀盧芳據代

郡也紛紜喻亂也梁謂劉天趙謂王郎也三河未澄四關重擾三河河南河

澄謂朱鮪等據洛州未歸光武也四關謂長安四塞也

國重擾謂更始已定關中劉盆子入關殺更始發掘諸

陵神旌乃顧遞行天討周禮曰析羽為旌稱神者猶言也

云天討有罪也金湯失險車書共道前書曰金城湯池不可攻矣金以喻堅湯取其熱光

武所擊皆失其險固也禮記曰天下車同軌書同文靈慶既啓人謀咸贊靈慶謂符讖也

左傳曰天啓之也人謀謂羣下勸即尊號也易曰人謀鬼謀百姓與能贊助也明明廟謨赳赳

雄斷詩曰明明天子淮南子曰運籌於廟堂之上決勝千里之外於赫有命隆我漢於赫歎美之詞音烏詩云有命既集系猶繫也

隆我漢於赫歎美之詞音烏詩云有命既集系猶繫也

後漢書卷一下終

皇朝
問所

慶應
七五

皇朝
問所
三三

